

萬氏家抄濟世良方卷六新增痘瘡并脉訣

高麗

目錄

辨豆疹熱忌汗下

痘疹五臟所屬

辨痘輕重

看痘法

痘疹日期

脉法

輕痘歌

重痘歌

逆痘歌

逐日看痘輕重

生死總要歌

避忌

婦人痘疹

痘疹未發時用藥

痘疹已發後用藥

金鏡賦

節制賦

權宜賦

指南賦

稀痘丹

初發諸方

第一日藥

第一二日藥

第二三日藥

第三四日藥

第四五日藥

第五六日藥

第七八日藥

第八九日藥

觸犯

吐瀉

小便秘

大便秘

紅紫掀腫

驚搐

燥渴狂言

血熱枯燥

口鼻出血

口中腥臭

撮唇弄舌

虛脫

譫妄顛狂悲喜循衣撮空

皮薄

自汗

發狂不起

夾斑夾疹

腰疼

面目先腫

先腫應腫不腫

久熱不發

便膿血

手足冷熱

喘脹

喘嗽

痒痛

灰白

空殼無漿

寒戰咬牙

咽啞水瘡

喉舌

黑陷倒靨

變黑歸腎

痘疔

煩渴

收靨

當靨不靨

濕爛皮嫩

發毒餘毒發痒

癍白

痘後熱

痘後失音

眼目

牙疳并唇舌瘡

膿血不收

面瘡搔破

痘後痢膿血

痘後寒熱

痘後手足厥冷

痘後手足拘攣

痘後驚搐

痘後浮腫

痘後汗

痘後血症

痘後吐衄

痘後便秘

痘後喘嗽

痘後羸瘦

泡子先出

麻瘖

麻瘖看法治法

麻瘖輕重

麻瘖方論

脉訣

診視臟腑生尅要說

七表八裏九道脉

診候入式歌

脉賦

診脉切要訣

五臟虛實脉

五臟虛實候

五臟積氣

五臟中風

五臟察色候訣

妊娠脉

妊娠候

產難生死候

新產生死候

諸雜症生死脉

察色觀病生死訣

外因

內因

不內外因

辨童男童女

傷寒脉

六經傳變

傷寒六經正病

傷寒表裏症

陽證陰證

陽症似陰陰症似陽

陽厥陰厥

血黃濕黃

副產柔產

胎前產後傷寒

傷寒五臟受病

傷寒至捷法

傷寒症治總畧

傷寒有四症相類

小兒脉訣

五臟論

看脉紋訣

察形色訣

小兒脉說

審味歌

小兒外症十五候

小兒變蒸

萬氏家抄濟世良方卷六新增痘瘡并脉訣

鎮守福建并浙江金温地方總兵官都督四明萬邦孚選集

辨痘疹熱忌汗下

頭與肢節疼痛無時者時疫熱也面赤汗出鼻流清涕者傷風熱也午後發熱頭與肚熱右額有紋者傷食熱也乍寒乍熱呵欠煩悶驚悸咳嗽噴兩腮赤紅翫涼耳冷者痘疹熱也渾身壯熱妄言鬼神口鼻衄血驚搐不止幾死而復生痘疹宜熱在內也既辨認痘疹之熱與諸熱不同又須審其勢之輕重輕則發散重則疎利首尾俱不可汗下蓋毒發於表如苟妄汗則榮衛一虛重令開泄轉增瘡爛由是風邪乘間

變症者有之毒根於裏如苛妄下則內氣一虛毒不能出而反內入焉由是土不勝水變黑歸腎身體振寒耳聾反熱眼合肚脹其瘡黑陷十無一生故汗下二說古人深戒

痘疹五臟所屬

肝為水泡初見標主淚出其痘細雜而色紅肺為濃泡初見標主涕出其痘平大而色白心為斑初見標其痘尖細而色赤脾為疹初見標三五成群黃赤與皮色相同腎為倒靨其色黑初出之時五臟之痘皆見者以熱併動於五臟也及已出乃得歸一臟者以一臟受穢多而毒氣盛也亦有兩症三症同出者所受同而併發也

辨痘輕重

初見苗時用手揣摩其瘡勢宜堅而尖不宜軟而塌三次出者輕一齊出者重臍突去處不宜有頭面心窩不宜多大小不一等根窠紅活尖頭光澤者最輕平頭者半輕半重陷頂者極重又有出輕而變重出重而變輕者顧調養避忌之何如耳此於氣血上見形勢則輕重可知矣

看痘法

凡看痘輕重未曾出點之先先看兩目不腫肉不紅無淚清淨其痘出來必輕極忌一塊五六箇極忌嘴邊出起又有大小不一等乃氣血之所由分也人多有不知一種小痘以為

不起用藥發之誤矣凡痘看頭不看身醫頭不管身只要臉
上頭上膿足四肢不必慮至落靨時靨如琥珀厚而紅者再
無後患倘落下如紙薄如白荳殼者必有後患或有服寒涼
藥過多或飲水過多靨白者尚可治只以脾胃好為上能進
飲食痘雖犯症終不死孩子不滿一歲一身一頭無縫者不
必醫用藥之法須先去其雜症如因感冒寒邪起者則散其
寒因驚起者則定其驚因傷食者消其食雜症既去然後用
補血補氣藥氣血充足自然成膿結痂矣又有痘出稀疎而
兇體只是不快者必生內痲當看其指甲有青紫色便是急
用化痲湯治之

痘疹日期

痘出三日至足心為齊三日長肥滿三日成膿窠三日上蠟
色結痂首尾十二日可保平安此其大約設使氣候乖違瘡
勢沉重則又難定其期也

脉法

痘疹之脉三部皆洪數絕大不定是其候也見痘之後身温
脉靜所出將完尚帶洪數者出不盡也

輕痘歌

熱緩神清痘少稀根窠紅活出參差四肢温煖無寒熱乳食
如常渴瀉除太陽面頰俱光潤手足累累圓似珠更無腰項

當心少但宜調護不須醫

重痘歌

初熱一日即便出稠密鮮紅減飲食泄瀉煩渴頭面多紅斑
夾疹二便澁平濶灰白欠光明疔毒膿瘡水流濕若此重症
須預防莫使臨期有疎失

逆痘歌

熱極腰疼發不出昏睡沉沉不納食一齊湧出如蚕種紅紫
藍斑無陷黑邪視皮浮痘若無項似塵鋪無火刺面唇先腫
目無神脚冷如冰漸過膝無分皮肉一般紅聲啞唇焦言不
出水泡痒塌並空瘡牙疳臭爛聞不得寒戰咬牙痘後驚壓

若竹衣便膿血此皆死症不須醫總遇神仙難着力

逐日看痘輕重

痘初出一日太陽耳角先標及太陰邊有皆至重也先額角
印堂邊有亦甚重左右頤有輕胸背不宜密熱甚者重左右
手見標有三五粒極好頭無脚下多至重也

二日天庭青黑必多驚稠密至重頭骨不分勢如錦紋額角
流紅熱極手足稠密渾身不少手足若無渾身必疎

三日出齊之際額上紅終不起舌上白胎熱極上角先有數
紋如疥必主焦黑不妨脚手常縮煩燥太甚昏懵中有此主

驚

四日額前有一粒大者名賊痘口唇多乾必是肺熱手腕紅一塊必防有變腫起必手毒壅腿上有下無不必慮下有上無必應有變手足溫和但手熱氣順不妨

五日口角流涎胃脉肚上有紅紫青者毒在內必死腿上腫如瓜必生毒害

六日頭腫如瓜毒升四位血凝氣滯不成方圓喉喘促乾嘔痘黑枯陷此毒有餘咽有熱有痰氣血俱不得位氣餘血不足則頂凸無光明血餘氣少則頂陷四圍平塌全無光發四肢腫一塊或臭爛此是痘毒也

七日目閉不開痘色精神此為上吉目閉無神痘焦不起不

吉之兆腹痛不已是熱毒在內而不發越於外痘必有變

八日臉上青灰開裂痘無膿耳目焦黃俱為不吉咽喉如鋸飲食上下不通痘俱變黑四肢軟弱目內無神手硬痛內有毒攻腹中脹滿不便熱極滯結大便去紅餘毒在內足腫青紅流水作瀉腹痛如此痘症生意甚淺

九日膿不濃而收者危也頭面先靨手足正好肚上未靨背上先靨駁雜無膿之狀也腿下及陰囊之間先靨此是無膿乾虛之痘

十日如黃灰者重如黑黃色者輕有濃紅者輕無膿白者死臨期有作瀉者與黑白者喜食痘靨好不妨痘收而不收晝

夜飲水熱毒迫甚謔語有痰作聲狂者死足亂動叫痒張狂不貫濃痛甚不動必是癰

十一日眼角出濃太甚雙目有虧口角流涎帶血牙疳齒必落頂門腫黑臭爛有疔腫者凶之兆也肚膨急硬作痛解手不妨如不解熱毒攻作必生他患亦非小可手足常動搖必痒無疑動止無寧煩燥太甚足上痘多亦有不滿就平者不妨

十二日血流膿離飲食者順也項項腫必主咽喉有毒若渾身脹痛謹避風寒虛脹作瀉挫喉不入臍出者危也

生死總要歌

初出紅點帶紅紫斑發之症五日死初出滿項連肉紅七八九日氣絕耳班如錦紋六日終班青項刻入陰中痘出如沸無縫者摸不得手勿治也若如湯泡及火燒十日痒塌死難饒痘出腰腹痛不已煩燥紫黑口臭死頭面一片如胭脂六日後死何必疑肉面浮腫瘡不腫胸高而突不治重痘白面光根不紅久後抓破死無膿無膿痒塌十二期有濃血者不死譬如麻無縫痘不好聲啞氣急命皆危二症貫膿痘色光乃傷風寒參芪當若是泣哭咳嗽啞痘色光明也不妨痘色不好聲音啞斷他必死無或假舌捲囊縮目無魂飲食刺喉必難存紫泡刺破出黑血便中腸垢不治論吐瀉若還甚不

止虵虫出者死難聞已未出痘聲音變先痘後驚活不寧三日痘窠全不起紅腫如瓜君莫治頂陷有眼似針穿紫黑色者死決然根窠紫色血乾燥全不起脹亦難延陷伏腹脹不飲食神氣昏促命歸泉腰腹或痛或不痛紫點不發再可憐悶亂不寧無黑陷神氣昏潰死決言貫膿之時純清水皮白而薄水泡似無知徒謂此好看二四日內拆破見灌膿乾枯無血水此名空殼痘乃危泄瀉不止二便血乳食不化痘爛死灌時二便全不通目閉聲啞症亦凶腹中脹滿肌肉黑若還醫治必無力當屬痒塌無膿血皮如荳殼乾即絕寒戰咬牙噤口者手足鷓棹勿治也目閉腹脹過膝冷縱有神仙救

不惺

禁忌

正當痘疹之時謹司門戶恐為風寒所襲嚴禁房事恐為穢氣所乘月婦經水庖厨煎炒生畜糞穢及狐臭觸忤一切忌之須常燒芸香蒼朮小棗之類及掛葫荑浸醋炭以逼其氣至若月經狐臭設在父母幼子時刻不可離將如之何必常加澡洗每易新衣不使氣侵其膚庶幾可也如有犯者當服托裏散肉桂隨意加減之

婦人痘疹

婦人痘疹怕逢行經之期蓋女人陰質血常不足也痘以氣

血為主一有不足則變生焉所以女子十四以後有出痘者常恐發起成就之時經事一行內動其血未免裏虛恐成陷伏也

若女子當痘疹發熱之初經水適斷增寒壯熱神識不清妄有所見言語詭誕此為熱入血室行經之後血室空虛天行邪熱乘虛入裏故神魂亂而譫誕也宜用羌防歸芎本通樅子酒芩龍膽草柴胡竹葉等藥若發熱之時經水適來却非正經之期此由毒火內甚擾亂血海道血妄行故月事不以時下也急用歸芎生地芩連升麻紅花牛蒡子連翹甘草涼血解毒使熱得越毒得解痘出經止為度不可逡巡隱忍直待中氣虛弱瘡伏不起然後歸責於醫晚矣

發熱之初經水以期而來此畜血得出熱隨血解乃吉兆也但至四日其經當止若不止者此亦熱入血室迫血妄行宜用四物湯加入參升麻白朮黃芩甘草等藥

女子一向經閉未行血海流血至天行痘疹發熱之時毒氣拂鬱沖任之間其病必甚然不可攻擊輕動其血經云二陽之病發心脾女子不月但治其心脾使毒得洩於外可也宜用川芎赤芍木香歸尾青皮連翹桂枝木通枳殼甘草紅花燈心等藥

女子一向崩漏不止氣血已虛若當天行痘疹之時必不能

任其毒先以大補氣血使裏氣充實毒不停留易出易靨也
宜用八物湯加青皮柴胡官桂木香升麻黃芪等藥

痘疹起發時忽然行經人但知厥穢之觸其痘不知此乃自
已之血安得為厥特恐血出裏虛而生陷伏之變耳急宜救
裏解毒大補氣血參芪甘草桂心當歸川芎白芍生地青皮
木香等藥

若當起發貫漿之時其經忽行瘡而不能言者此乃血去少
陰之脉不能上榮於舌也宜用人參歸身麥門冬甘草升麻
生地燈心等藥

如起發貫漿之時月事大來其瘡應起發而不起發應貫漿
而不貫漿頂平形塌或灰白或血陷或為陷伏乃壞症也急
宜補中托裏用參芪歸芎甘草肉桂陳皮姜棗等藥外用葫
荑酒噴之

如孕婦出痘正當甚時有生產者只宜大補氣血為主參芪
歸芎熟地桂心甘草等藥氣滯加青皮木香若小腹急痛恐
有惡露未盡微與行之

婦人有孕未產而出痘祇從痘疹隨症應見治之兼養血解
毒清熱之藥則胎自安

如產後出痘此時無胎不須驚惶以大補氣血為主八物湯
加黃芪官桂木香青皮熟加升麻葛根出大甚加連翹大力

子自利加訶子

痘疹未發時用藥

丹溪曰凡已發未發並與參蘇飲但覺身熱症似傷寒若未見瘡疑似未明且先與參蘇飲或人參羌活輩熱甚則與升麻葛根湯人參敗毒散若一見紅點便忌葛根湯恐發時表虛也凡痘疹欲出時身熱鼻尖冷呵吹咳嗽面赤方是痘出之候便宜服升麻葛根湯加山查大力子其瘡稀疎而易愈

痘疹已發後用藥

丹溪曰凡初出須看胸前稠密急宜消毒散加山查黃芩酒洗紫草減食加人參○初出色白者便大補氣血參朮芎芪升麻葛根甘草木香歸芍大便瀉加訶子荳蔻○初起自汗不妨蓋濕熱薰蒸而然也○初起煩燥譫語狂渴引飲若飲水多則後來壓不齊急以涼藥解其標出不快者加味四聖散紫草木香湯○氣實淡鬱而發不快者蒼朮白芷防風升麻黃芩芍藥連翹歸尾○出太甚者人參敗毒散犀角地黃湯疎則無毒密則有毒宜涼藥解之雖數貼亦不妨無害眼之患○爐灰色白淨者作寒者齊湧者燥發者燥者作熱者黑屬血熱涼血為主白屬氣虛補氣為主中黑陷而外白起遲者則相兼而治○初出黑色者宜解毒芩連黃柏俱酒炒鼠粘子紫草葛根荆芥防風生甘草節人參黃芪之類○吐

瀉少食為裡虛伏陷倒靨為表虛反白者亦表虛吐瀉伏陷
俱見為表裡俱虛陷伏倒靨反白者或用燒人屎○不吐瀉
能食為裡實紅活綻凸為表實裡實而補裡則結癰毒表實
而補表則潰爛不結痂○為外感惡氣所傷而倒靨者人參
芍藥連翹黃芪甘草稍白芷歸芍香附○瘡乾者宜退火止
用輕劑荆芥升麻葛根之類○濕者用瀉濕乃表肌間濕宜
用風藥白芷防風之類○將欲成就之際却紫色者至熱用
涼藥解其毒升麻葛根酒炒芍藥連翹之類甚者犀角赤小
豈水煎服

翁仲仁曰凡痘色淡白頂不堅實不碍手不起脹皆屬氣虛
大宜保元湯加酒炒黃芪肉桂川芎丁香人乳好酒同服○
根窠不紅或紅而散亂以手摸過即轉白痘上如寒毛豎起
枯澁不活者皆血虛也宜保元湯加川芎當歸酒洗紅花及
用山查以消參芪之滯再下木香數分以行滯氣而血自活
也○凡用黃芪當在痘盡出之後凡用熱藥當看痘盡解之
時又察氣血虛實而治之藥無不効矣○凡用地黃防滯必
以姜汁炒用芍藥恐酸寒伐胃氣必以酒炒

凡用紫草必用茸蓋紫草性寒脾氣虛者反以為害茸則春
月初生之芽得陽氣之始所以發痘紫草頭近根半寸者亦
蔡邦衛曰用藥須分氣血盛衰如不思飲食脾胃受傷也四

君子湯開胃保脾○色黑者血熱也涼血為主四物生地之類○初出色黑者大熱也宜解毒鼠粘子紫草升麻葛根酒炒苓連黃柏荆芥防風甘草參芪之類○色白者氣虛也補氣為主四君子陳皮之類○有中黑陷而外白起者氣血俱虛也相無而治八珍之類○將成就而色淡者血虛也芎歸芍藥之類或加紅花○大凡顏色不紅潤即氣血不和更參之以脉理以左手大小分血之盛衰以右手大小分氣之盛衰盛則抑之衰則補之或加紫草以薰之若不起長不成血泡膿窠氣血不足也用人牙散獨聖散一匙金及木香異功散以發之須酌見盛衰對症用藥可也

金鏡賦

翁仲仁曰痘毒未出之初宜開和解之門既出之後當塞走泄之路○是故壯熱腮紅便服升葛○面青神慢急進參蘇○氣粗熱擁心煩燥便秘便瀕和解升甘葛芍殼前菴防芷紫苓絕勝○喘呼腹脹眼泡浮肌燥急宜疎散麻黃乾葛芍升麻甘桔鼠粘最宜○若稀疎而氣血和平瀕知安表和中之理歸芎芍藥木苓甘腹芷益元湯子○如繁密而不勝重任當識內外分消之妙荆翹歸地芍紅芍通用小連翹飲○瘡來赤色見焦枯必用清涼而解毒○紅斑赤紫苓連犀角同施○身熱燎人乾葛前胡並用○氣粗而腹脹膨脹蟬退

枳殼木通○若遇色來紅潤便宜徹去荆翹如見二便泄清
縱是生歸俱免加入白朮茯苓自古更名平劑○精神倦而
飲食少進以參○出不快而痘不振燕乎查脫○初覺繁
紅稠密紫草用之無疑○如見毒盛色嫩鼠粘進之何害○
是故三日以前即許遵斯而用循是以往不可一例而施○
瘡端放白勢若行漿參看內外虛實之異酌以溫平表補之
宜○若神壯而氣盛能食而便實者雖繁密只用中和表發
防其查芎桔歸芪催膿而已○若精倦而神衰減食而痘陷
者毒則繁多却用重崇補益參芪甘草芎歸桂桔為先○立
此二方乃作釀膿之具膿胞未滿不可輕易其方痘或變遷
不一另設便宜妙用○至於漿或饒足毒已盡行拘化法當
漸進於清涼氣血回元復位不可重崇乎表補參芪切勿多
食胖甚恐難收拾○故夫便實而能食壯熱而不退者便宜
疎利為先升麻乾葛四順清涼○便溏而減食壯熱而不渴
者則以健脾為貴朮茯苓通歸防風芍芷○如還內外症平不
必過用服餌直至結痂以後再觀餘毒有無當疎利即宜疎
利應調補須用調補○身熱煩渴便赤者大連翹飲○氣粗
壯熱秘結者四順清涼○泄瀉則益黃理中○瘡痍則升麻
乾葛○如若別無餘症安養氣血而已

節制賦

翁仲仁曰夫病深而藥淺終見無功病淺而藥深反增他劇
勢緩而投緩劑急則拂亂其經病劇瀕用劫藥緩則援生不
及以本藥而治本病病去當行別議防變症而用變藥變症
難逆乎將來故偏行補法未必盡為怯弱執用辛溫豈應槩
是虛寒合用而用當去即去藥隨病更機非在我故升麻進
於未點之先他非瀉甚而莫投身無壯熱休加乾葛柴胡臉
不煩紅勿進苓連翹芥擁遏只許疎通投補劑而胸膈減食
內熱便宜清利多發藥而表爛瘡疼熱鬱心煩丁桂瀕知患
目便溏胃弱苓連誤用天亡傷食吐酸先宜消導不食乾嘔
瀕與和胃糞焦熱瀉溫補豈其所宜溏瀉清稀涼藥總為不
合胃虛弱而補陰恐增泄瀉三焦擁而益陽慮發狂煩喘滿
便清雖虛煩而可補氣粗腹膨加秘結而可通咳嗽有痰切
勿亂投半夏熱沖作嘔且交慢入乾姜氣虛不振則苓茂奏
捷脾胃虛寒則桂附成功設使渴煩喘秘用此反生跋扈苓
連解熱毒於未胖荆翹清血熱於血胞若還勢在行漿此輩
皆為所叱是故六七日內不起保元十奇無禁八九日外變
生木香異攻何遲補法不宜早加溫藥必須在後發散乃作
先鋒溫補縱為截陣尊斯節制庶不誤人識此玄機用之無
盡

權宜賦

翁仲仁曰痘有緩急治宜權變且如紅紫掀腫兮涼血為上
灰白平陷兮補氣取良出不快兮為表實而發散可用二便
秘兮是裡實而踈利何妨毒不能速散毒甚者令微汗之發
越熱不能以盡除熱劇者使小便之清長三陰甚而多寒必
投辛熱三陽數而多熱無過苦涼是故補元氣參芪白朮養
榮血歸芍地黃發散表邪重柴葛而輕枝桂踈通實熱微枳
殼而甚大黃解熱毒芩連梔子快斑疹紫草荆防牛蒡連翹
瘡中之要領甘草乃藥中之君王玄參桔梗能治咽痛木通
車前利其膀胱氣逆兮陳皮青皮胃寒兮丁香木香泄瀉兮
訶子荳蔻嘔吐兮砂仁藿香祛風熱兮蟬退白芷定驚搐兮
天麻姜蚕頭痛兮川芎藁本蔓荊可用腰疼兮杜仲牛膝玄
胡堪嘗麥門乾葛清心而止煩渴厚朴腹皮療水腫而消腹
脹五味杏仁潤肺止嗽而定喘山查枳實消食行滯氣為良
痰實半夏南星貝母汗秘羗獨紫蘇麻黃紅花牡丹皮可除
血熱鹿茸川山甲能起痘瘡食積神麩麥芽草果後重枳殼
檳榔木香犀角羚羊解乎心肺之熱秦艽香附退乎脾胃之
黃乳香沒藥止痛乾姜附子回陽前胡蘇子能消痰嗽猪苓
澤瀉茯苓清利小腸此乃藥味加減之權宜若病之輕重各
有主方

指南賦

翁仲仁曰人參益內茸草和中用黃芪而實腠得蟾脫以開
肌紅花有活血養血之功生地有涼血行血之效痘若乾紅
便宜加入紫草滑肌通竅毒擁堪行熱症賴之而有益虛寒
誤用以便溏山查善通瘡疼能消食積兼理滯氣於補益方
中且解鬱結於透肌湯內輕其表而涼其內功在荆翹疎其
肌而發其擁妙存蟬木利咽喉而清氣道能發散而善開提
功必資於桔梗分清濁而利小便消痘毒而去膨脹效莫大
於腹皮川芎引清陽而達表勿缺於未滿之前芍藥斂陰氣
以濟陽可多於漿足之後牡丹皮去血中之毒牡蠣繁紅為
聖藥地骨皮去氣中之毒毛焦熱甚是良工官桂有鼓動陽

氣之能神倦而不振者用之以收實効丁香有助贊元陽之
力內虛而不起者得之以奏奇功木香順氣而理脾寒泄瀉
湯中必用乾葛療肌而退胃熱渴煩方內須加白朮茯苓能
健胃佐參芪而益氣當歸生地補陰虛君指實而潤堅解蘊
毒於犀角黃連惟熱盛則前後堪用定心煩於麥門五味有
渴症則始終宜加大附子反本回元能理虛寒而收戰慄天
花粉消痰清胃宜收肺氣以發聲音白芷疎風痘毒憑之而
發散紫蘇疏氣實邪賴是以驅除羗活有運毒走表之功防
風有散邪逐毒之妙姜蚕只利于肌膚指風定痒如神枳殼
能平乎胸膈下氣寬中最速開腠定喘於麻黃壅遏憑之而

發散平胃溫中於厚朴腹脹用是以消磨龍骨枯礬權行澁
泄猪苓澤瀉暫用安便乾姜溫中氣而止嘔吐是以胃寒而
虛瀉者宜用則用大黃蕩腸胃而潤燥堅是以熱壅而便秘
者當加即加鼠粘清利咽喉透肌解毒升麻升發元陽堪散
瘡癩柴胡前胡解肌安表黃芩黃柏退熱消斑止嗽開痰於
貝母清痰降熱於山梔牛中黃化風熱而療顛癇成扶危救
急之效龍腦片涼心血而起黑陷有撥亂反正之才射香透
竅於毫毛亦能發汗雄黃解毒於臟腑無可消痰辰砂鎮心
定志而有養血涼血之能珍珠透裡入堅而解骨中髓中之
熱訶梨勒歛肺氣而澁腸肉葶藶溫脾胃而止瀉天靈人蓋
但能發鬆肌肉過用則肉裂皮崩蟾酥川山實可振揚瘧毒
多施則虛擡空殼藥味不求於異人取效每存乎常品明此
一篇思惟過半

稀痘丹按時服之能令痘不出

黑荳炒 姜蚕炒 白荳衣 硃砂 木通 翹子

苦絲瓜燒存性 甘草節 百節菖蒲

右各等分為末沙糖為丸龍眼大金箔為衣甘草湯下春
分秋分日製春分秋分日服

保嬰丹 痘未見點之先預服解毒

纏荳藤 四兩 紫草茸 四兩 酒 荆芥穗 二兩 升麻 三兩 鹽水

洗 炒 木

牛蒡子 二兩 甘草稍 二兩 天竺黃 二錢 辰砂 三錢

防風 二兩 麻黃 紫草 荔枝殼 升麻 同煮 過就用水飛辰砂 牛黃 一錢 二分

蟾酥 分一錢 二 赤小豆 四十九粒 炒 黑豆 四十九粒 炒 萊菔 四十九粒 炒

右各為末外又將紫草茸三兩水三碗熬成膏半碗入沙糖半盞和前藥為丸龍眼大辰砂為衣未出之先濃煎甘草湯磨一九服兒大者二九已發熱之時姜湯磨服微表之多者可少少者可無

人參敗毒散 治已發未發熱甚大便秘見痘不宜服

羌活 獨活 前胡 柴胡 桔梗 人參

枳殼 川芎 甘草 茯苓

水二鍾姜三片薄荷少許煎不拘時服

參蘇飲 發熱疑似之間并初見標者用此發表

陳皮 枳殼 甘草 桔梗 半夏 乾葛

紫蘇 前胡 人參 茯苓

姜三片水二鍾煎服

紫蘇飲 已見標用此發表不可多服

升麻 葛根 紫蘇 通草 甘草 前胡

桔梗 水鍾半煎五分服

升麻 葛根湯 初熱將出時用見點禁用

葛根 升麻 赤芍 甘草 水煎服

消毒散 治初出胸前稠密

鼠粘子 荊芥 甘草 防風 山查 黃芩

紫草茸，減食加人參水煎服

補脾湯 治手足起不透者此胃弱也

人參 黃芪 防風 桂少許 防已 甘草

水煎服

十神解毒湯 第一日已出未出煩紅燥渴睡卧不寧小便

赤澁及壯熱臉赤毛色焦枯

茯苓 天麻 紅花 陳皮 姜蚕 桔梗

通草 大腹皮 撫芎 柴胡

姜衣五片燈心十四根水鍾半煎五分服○身熱壯盛加

乾葛前胡○毒盛綿蜜加荊芥○渴加天花粉竹葉滑石

○小便尿血加犀角山梔○大便秘加犀角黃連或桃仁

○吐血乾嘔加黃連犀角○發紅斑加犀角黃芩山梔玄

參○小便赤加山梔○小便澁加猪苓澤瀉○小便秘加

滑石瞿麥○大便秘加枳殼前胡○煩燥加麥門冬天花

粉○狂煩譫語加知母麥門冬石膏○嘔吐加猪苓澤瀉

黃連○喉痛加甘草鼠粘子荊芥○泄瀉加猪苓澤瀉防

風○嘔加陳皮○並用燈心十四根水煎服

右此方以活血行血為主佐以開提發散之功引以大腹

皮木通有疎利熱毒之效活血解毒之良則內外分消熱毒擁盛庶幾解散表裡自然和平矣加減照法最驗

和解湯 第一二日毒未出時或為風寒阻隔氣粗熱盛身

發戰而肚腹急疼此將內潰之症急用此湯防之

升麻 桔梗 荊芥 葛根 川芎 甘草

防風 羌活

水鍾半姜三片煎五分服

羌活散鬱湯 第二日寒熱擁盛氣粗喘滿腹脹煩燥狂言

譫語睡卧不寧大小便秘毛豎面浮眼張若怒并寒邪外搏不出者

羌活 防風 姜蚕 荊芥 桔梗 茯苓

撫芎 前胡 山查 陳皮 大腹皮 通草

熱毒擁遏之症辨認不差急宜用撥散開提之劑佐以和解透肌之法則熱毒不擁其出自易此方羌活防風有升提發散解毒之良桔梗有開提之力姜蚕荊芥善解風邪陳皮山查開胃進食且能肅清臟腑腹皮通草引熱下行使內外有所分消以此治擁熱症効大而功用極妙加減法開後

初發身熱壯盛腮紅面赤毛焦皮燥咳嗽喘急加乾葛柴胡○便秘加當歸枳殼○腹脹喘急鼻塞面赤若怒毛直

及枯加麻黃○嘔吐加藿香陳皮○洞泄加升麻喘嗽惡
風加桑皮紫蘇○發狂加黃連黃芩山梔○小便赤澀加
滑石山梔○鼻衄加黃芩犀角○驚悸加木通山梔○搐
加青皮○不思飲食加山查○傷食加山查神麩麥芽○
煩紅赤色加紅花丹參去防風○見點二三日間出不快
加蟬退

連翹升麻湯 二三日痘密如針頭形勢重者

升麻

連翹

黃芩

葛根

麥門冬去心

水煎服

甘草芍藥湯 治痘出時肚腹脹痛

甘草

砂仁

陳皮

山查

白芍炒

水煎服

芎朮湯 三日後頂平捫摸不得手者用此發之

川芎

六分

白朮

人參

當歸

酒洗

茯苓各五分

升麻

黃芪

各六分

陳皮

四分

甘草

煨三分

中桂一分

姜二片棗一枚水煎服

水楊湯 治痘出不齊陷頂不起漿滯不行或風寒久尅者

水楊柳五斤春冬用枝秋夏用枝葉剉碎用長流水一大
鍋煎六七沸先將二分中一分置浴桶內手試不甚熱亦
不可太冷先服應用湯藥然後浴洗漸漸添湯不可令冷

浴洗久許乃以油紙燃燈照之累累然有起勢陷處暈暈有絲此漿影也漿必滿足如不滿又浴如前法若力弱者只浴洗頭面手足若不赤體不厭多洗少壯亦然燈照如無起勢此氣血敗津液枯矣不必洗

水肌散 第三四日痘一齊擁出色枯乾紅紫者

柴胡 前胡 黃芩 山梔 連翹 澤瀉

黃連 黃栢 犀角 地骨皮 丹皮

水煎服

紫茸膏 三四日痘齊後頂赤根紅熱毒極盛大便閉甚者服之如瀉忌服

紫草茸 白附子 麻黃去節 甘草各五錢 全蠍洗炙

羗蚕 炒各八分

右為末用蜜一兩酒半盞先入紫草茸煎成膏隨人前藥丸如皂子大每服一丸紫草茸湯下旋用補藥調治如驚風以金箔為衣薄荷湯下

益元透肌散 第四日痘見點已齊氣血和平但不肥大不成漿者用之勻氣解毒透肌達表領出陽分助痘成漿

桔梗 紫草茸 川芎 山查 當歸 茯神

鼠粘子 甘草 姜蚕 陳皮 糯米五十粒

水一鍾燈心十四根棗二枚煎六分溫服○第五日如無

別症此方加黃芪○第六日加人參白朮去紫草鼠粘○
第七日如面上漿足去桔梗加丹皮○第八日加山藥米
仁其漿自足○如有寒塌灰白之症則異攻散加減用之
木香異攻散 治虛寒不足痘不起長不成血泡膿窠○又
治表虛塌瘵內虛泄瀉腹脹喘嗽悶亂煩燥寒戰咬牙頭
溫足冷等症○又治脾經痘

當歸

茯苓

木香

肉桂

人參

陳皮

丁香

白朮

川芎

附子

肉蓯

麩包

黃芪

每服三錢姜三片棗二枚煎服附子不用亦可若裏虛瀉
甚又不可無附子

犀角地黃湯

第四五日痘出太盛及壯熱者

赤芍

生地

丹皮

犀角

每服二錢水一鍾煎服○丹溪用治氣實煩燥熱熾大便
結○蔡邦衛用治狂叫喘呼又治便血加梔子黃芩治衄
血加石膏黃連治吐血○翁仲仁用治諸般血熱失血症
黃芪飲 四五日表虛自汗發不起者

白朮

黃芪

當歸

各七分

甘草

三分

人參

五分

桂枝 三分

水煎溫服○嘔加藿香○有食加山查神麩

參歸湯 四五日稠蜜根窠不紅頂陷者此氣血俱虛

當歸

人參

黃芪

白朮

各七分

甘草三分

川芎

七分

陳皮

三分

茯苓

七分

姜棗煎服

○發難起

臨服加酒

一粟殼

○無光澤

加荔枝

一枚

○小便赤

加茯苓

滑石

○身表大熱

不退必生癰毒

加連翹

丹皮

生地

柴胡

黃芩

滑石

鼠粘子

○腹脹

加厚朴

陳皮

木香

○腹痛

加木香

○吐涎沫

加製半夏

○喉痛

加

桔梗

鼠粘子

連翹

○不收靨

加芍藥

木通

射干

鼠粘子

湯

第四五日

熱毒咽痛

聲啞

升麻

甘草

射干

各一兩

鼠粘子

炒四兩

每服四錢

水煎服

一七金丹

第四五日

起壯後

灌膿時

紅紫毒未收

欬金一枚

甘草一錢

用水鍾半

煎乾去

甘草取

欬金切片

晒乾為末

以蠟一分

研勻入

猪血調和

焙乾為末

每服一錢

薄荷湯下

不過一

服毒從

手足身上

出即生

若便有膿

血出不治

連翹飲

第五日

痘實熱

胃熱發斑

鼠粘子

連翹

當歸

蘆根

木通

石膏

瞿麥

車前子

蟬脫

梔子

柴胡

黃芩

甘草

水鍾半

姜一片

煎五分

服

托裏散

痘漿不行

頂陷不起

宜服

人參二錢 黃芪

當歸

甘草節各一錢 川芎

肉桂各五分 丁香二分 陳皮三分

姜棗水煎服

鼠粘子湯 第五六日痘出稠密身表大熱急與此藥服之

防後青乾黑陷○魏桂岩用治口疳臭爛

當歸身酒洗

鼠粘子炒 甘草

各一錢

柴胡

連翹

黃芩

各一錢五分

地骨皮二錢

每服二錢水煎空心溫服

保元湯 第五六日元氣虛弱精神倦怠肌肉柔慢面青眊

白飲食少進睡卧靜而不振痘不肥長

人參一錢 黃芪二錢 甘草五分 初熟生用 出定灸用

以此方為主中間雜症並見雖或不同皆氣虛所致並以
此方加減之勿得過投發散苦寒之劑以寒氣血不能行

漿結痂也○頂陷加川芎官桂○小便赤加大腹皮茯苓

○大便溏加白朮茯苓肉蓯○小便澁加大腹皮木通○

大便實秘加酒炒當歸○泄瀉加白朮肉果木香○吐加

乾姜丁香陳皮○煩渴加麥門冬○減食加白朮人參神

麩○傷食加神麩麥芽山查○痒加白芷防風○痰加貝

母○喘急是實症枳殼下之○六七日後或先曾泄瀉而

氣喘者虛之極也加人參則喘自止○腹脹加大腹皮厚

朴○當熱不熱四五日間手足厥冷冰硬不起加丁香官桂炙黃芪川芎夏月去丁香○漿不足加白朮當歸川芎○灌水泡加白朮防風白芷芍藥○灌清漿加白朮茯苓○喘嗽加麥門冬杏仁○癢加川芎當歸芍藥茯苓白朮○痒甚外用茵陳燒烟薰之

一七金 治痘不起長不成血泡膿窠

神麩炒 川烏煨去皮尖 穿山甲土炒黃

為末酒調服

黃芪芍藥湯 治未及六七日而驟發者此毒火太盛榮衛虛氣直犯青道而出邪氣太過也當固表解毒以防塌瘵

白芍 黃芪 連翹 大力子炒 防風

荆芥穗 桔梗 甘草 葛根 人參

淡竹葉水煎服

獨聖散 第七八日痘陷伏不起長色黑而氣欲絕者

穿山甲以湯洗淨炙黃焦色為末入射香少許每服五分
木香湯調下或紫草茸湯入酒少許調服

人牙散 治痘七八日灰陷不起

人牙燒灰存性為末加射香少許調服

十一味木香散 治痘第八九日灰白表虛內虛泄瀉腹脹

木香 大腹皮 人參 桂心 米仁 茯苓

黃芪

訶子

白朮

丁香

甘草

每服五錢姜三片水一鍾煎五分温服

一方治痘八九日漿水不大足煩燥發狂用黑豈一合煮汁

一鍾入甘草二錢人參一錢麥門冬去心錢半水一鍾煎

半鍾温服

一方痘漿盛滿十四五日不收者用沙糖半小酒盞水調服

觸犯托裏散 治觸犯穢氣變壞者

人參

當歸

黃芪各二錢川芎

防風

桔梗

甘草

白芷稍

厚朴姜炒各一錢

紫草茸一錢

肉桂二分紅花酒洗七分

水一鍾酒一鍾煎七分温服

正氣快斑湯 治卒犯暴風雨寒氣所逼

羌活

蒼朮

防風

甘草

桔梗

當歸

葛根

白芷

川芎

冬月加生姜桂

白虎快斑湯 治天熱覆蓋太厚以致火遏不發者

人參

石膏煨

甘草

麥門冬去心葛根

升麻

淡竹葉

昏迷加辰砂末小便赤加木通滑石大便堅加

生石膏

二神散 治犯寒氣變陰症者又治灰白不起寒塌無漿者

丁香九粒

乾姜煨一錢

為末每服五分白湯下厚蓋片時令脾胃溫煖痘色紅活
變正矣

瀉^吐二陳理中湯 治傷冷物受寒氣而嘔者

二陳湯合理中湯生姜水煎服

二陳一連湯 治熱嘔

二陳湯加酒炒黃連竹茹姜三片水煎服

加味鼠粘子湯 治飲食哽塞而嘔此喉中有痘必然作痛

閉塞而嘔也此藥水煎細呷之

牛蒡子炒桔梗 射干 山荳根 防風 甘草

陳皮去白荊芥穗 連翹 水煎服

木香理中湯 治下痢嘔逆

人參 木香各五分 白朮一錢 甘草 乾姜各三分

附子一方不用

丹溪此方必因夾寒而嘔利者若毒氣上行而嘔下行而
利當去乾姜附子加紫草茸茯苓白朮

益黃散 治胃冷吐瀉

陳皮 青皮鎔二 丁香三分 木香五分 訶子一錢 白朮

加砂仁五分水煎服

五苓散 治大便瀉小便泄咽乾口渴

猪苓 澤瀉 白朮 茯苓 肉桂

水煎服

胃苓和中湯 治瀉下焦黃酸臭此內熱或傷飲食也

白朮 茯苓 猪苓 澤瀉 陳皮 甘草

黃連炒 訶子 升麻 木香 藿香

入糯米水煎服如瀉下青白澄冷者裏寒也用附子理中

湯治之

荳蔻丸 痘正漿時極忌瀉此藥止瀉神效醫者不可不備

木香煨 砂仁炒 龍骨煨 肉荳蔻 麩色煨 去麩五錢

訶子煨 赤石脂三錢 枯礬三錢

有謂此方太澁者然有砂仁木香理氣服之無害屢試

驗為才糊丸黍米大清飲湯下不能吞者研碎調服

秘 小便 四苓散 治小便閉

澤瀉 猪苓 白朮 赤茯苓 加木通水煎服

導赤散 治小便黃赤口乾煩燥

人參 麥門冬去心 生地 木通 甘草

加淡竹葉灯心各七莖水煎服

加味二陳湯 治痰氣擁塞小便不通

陳皮一錢五分 半夏六分 茯苓八分 甘草三分 香附 木通

貝母 知母 姜三片水煎服

秘 大便 三仁膏 大便堅實不宜下者以此潤之

麻仁炒去殼一兩 松子去殼七錢 桃仁去皮尖五錢

研爛用芝蔴一合微炒研細再入蜜水研去殼每服同三仁以蜜湯調下

寬中湯 治誤服燥熱藥陽盛陰虛津液耗散大便秘結漿

足後實症宜服

枳殼 當歸 茯苓 生地 芍藥 甘草

麥門冬 水煎服

通幽湯 痘中畜血大便秘結者用之

升麻 桃仁 甘草 當歸各一錢 紅花酒洗 生地

熟地各五錢 水煎加枳榔末五分食後熱服

三黃解毒湯 治大便秘結甚煩燥作渴腹痛者

歸尾 黃連炒 黃芩酒炒 大黃酒蒸熟炒 紫草茸

紅花 枳實 木通 枳榔

水煎服內大黃不可輕用

紅紫 涼血快斑湯 治血熱紅紫掀腫

連翹 生地 歸尾 紅花酒炒 升麻 甘草

牛蒡子 大便堅者加紫草茸甚者加熟大黃小便少加

木通

三黃散毒湯 治人素實初起誤服熱藥者

黃連炒 黃芩炒 黃柏炒 山梔仁炒 牛蒡子炒

連翹 木通 升麻 甘草 淡竹葉水煎服

驚搖導赤湯 治痘發熱時有驚搖者由木邪盛而侮土

生地 木通 甘草 防風 燈心 薄荷

水煎加辰砂末服

瀉青導赤散 治痘應出不出搖搦不止

歸尾 甘草 木通 羌活 防風 川芎

梔子仁酒炒黃連酒炒燈心 淡竹葉

水煎入竹瀝服

治驚搖當平肝木利小便瀉肝則風去利小便則心熱退

痘隨出而驚自定矣用五苓散若痘已發後有此症乃氣

血虛極將反歸腎至危之症

又方五苓散加酒炒芩連辰砂治先痘後驚者

燥渴白虎化斑湯 治痘或赤或黑身體壯熱口渴毒盛煩

燥狂言

石膏 知母 甘草 人參

水二鍾入糯米二十粒煎半鍾去渣溫服初春深秋冬月

加棗二枚

寧神化毒湯。治成漿時昏睡不省或口中妄言如被邪之

扶此由膿血多出心含空虛而然

人參 歸身 生地 麥門冬去心 石菖蒲

木通 山梔仁炒 赤茯苓 燈心 水煎服

辰砂導赤散 治痘發熱譫語如見鬼神或夢中喃喃或狂

走尋衣摸床者皆毒氣內攻神思不清所為也

茯苓 人參 黃連炒 龍子仁炒 麥門冬去心

木通 石菖蒲 燈心 辰砂另研 牛黃另研

水煎入竹瀝調辰砂牛黃服

血熱 枯燥 四物快斑湯 治火盛血少乾燥

川芎 歸尾 赤芍 荆芥穗 牛蒡子 生地

升麻 葛根 連翹 紫草茸 地骨皮

水煎服

退火四生丹 治血熱枯澀服睡片時必轉紅活

滑石 辰砂各一錢 冰片三釐

為末水調服一分

口鼻 玄參解毒湯 治口鼻出血

玄參 生地 黃芩 山梔仁炒 桔梗 甘草

葛根 荆芥穗

水煎入茅根汁磨京墨服

一方痘出時口鼻出血者用頭髮燒灰存性米飲服一錢

口中 清金瀉火湯 治肺中火邪煎熬口臭此症不治則肺

潰爛而死

知母

片苓

石膏

桔梗

麥門冬去心 甘草

天門冬

去心

馬兜鈴

木通

山梔仁

天花粉

水煎入竹瀝服

撮唇弄舌

痘有撮唇弄舌者足陽明胃脉環唇口足太陰脾脉還

舌本滑氏改正素問云脾者倉廩之本其華在唇四白皆

脾胃有熱故撮弄也治宜清熱解毒從瀉黃散加減之

水泡失血

痘疹發為水泡者乃氣有餘而血不足之證也凡痘毒

盛火熾之時火不能炎上水不得潤下搏激於皮膚之間

而為水泡亦有脾胃虛弱不能制水以致水溢皮膚之間

而為水泡者治當補脾順氣而虛泡能實矣泡白者氣虛

白而有清水者氣實泡紅紫者血熱亦有失血之症皆熱

毒未出而賊邪先為之害也

虛脫

之疾有二或發散早而血氣耗散或發散早而膿血

枯竭皆有此症虛脫在三五日血氣未過猶有生氣若在

七八日間是為不足之症絕無生漿養血之理與空殼無

漿者無異又有因傷風傷食以致妄汗妄下亦主虛脫卒

同於一斃也治法當以生血養血為主四物湯八珍散倍

用生熟地白芷之類

謬妄顛狂悲喜備衣撮空

謬多言也心熱則多言寐而多言者熱之徵也

若熱盛則謬妄矣妄虛妄也心火熱甚自為問答如見鬼

神也驚者心驚動不寧火主於動喜為心志病哭者火之甚也悲哭者肺金之疾也金受火制所以悲哭者心火盛而腎水衰也狂者心熱乘脾故四肢強健而狂也循衣撮空許學士以為肝熱王氏以為肺熱肝之用肺之體也以上數症皆熱毒使然當察虛實治之

薄涼血解毒湯 治皮嫩囂薄此毒在氣分當補氣散火

赤芍 歸稍 生地 甘草 木通 連翹

牛蒡子炒 紅花酒炒 紫草茸 桔梗 水煎服

白調元湯 治汗多氣弱不能成就

人參 黃芪炙 甘草 黃芩 麥門冬去心

白朮炒 白芍炒

如汗不止加地骨皮麻黃根以獐猪心肺煮湯煎飲之

發斑不起 紫草膏 退斑起痘又治痘發五六日大熱症服之解毒

麻黃 紫草茸各一兩 全蝎酒洗焙乾 姜蚕酒洗炒

粉草 紅花 白附子各五錢

為末煉蜜丸龍眼大每服一九熱甚燈草湯下冷症好酒

夾斑夾疹

斑者血之餘也夾毒上浮乘痘之熱而發如痘齊則內虛而斑從內解不解當散其火邪兼活血解毒之藥用玄參升麻湯黃芩荆芥白芍歸芍在初多用表散在後多用解利斑退

血附多用補藥以防損陷

疹多屬於脾隱在皮膚之間或成塊赤如雲頭多起於手足身背之上發則生痒或麻木是無濕痰之候色紅者無火化也治以燥脾去濕為主如痘內夾出丹疹者不必治之當以托痘為主痘出而疹自淡矣

腰痛如神湯 治痘疹腰疼

當歸 桂皮 玄胡索

各等分為末酒調下一錢

人參敗毒湯 腰疼乃痘疹最惡之症宜早治之

羌活 獨活 柴胡 前胡 川芎 桔梗

茯苓 枳殼 人參 甘草 升麻 葛根

生姜 竹瀝水煎服或用五苓散加獨活通用

面目先腫

痘起發五六日之際有面目先腫光亮者是陽乘陰分毒不能發也蓋血不足則根本已失虛陽動作其氣妄行肉分區區不足之血何能載毒而出乎七日之後傳經已足氣退毒陷陰陽各失其政尚何可治之有

先腫不應腫 救苦散 治痘將起發先腫此時氣大頭瘟也

黃芩 酒炒 桔梗 牛蒡子 防風 羌活 連翹

荊芥穗 人中黃 燈心 入竹瀝姜汁少許煎細嚥之

托裏散 治痘稠密應腫不腫此毒鬱於內也

防風 羌活 甘草 牛蒡子炒 升麻 桔梗

荆芥穗 官桂少許 乾葛 連翹 歸尾

入竹葉煎服

久熱麻黃解表湯 治皮厚腠理密及外感風寒遏而不出

綿綿而熱者

麻黃去根節蜜酒炒 羌活 升麻 葛根 防風

荆芥穗 牛蒡子炒 蟬退 甘草 桔梗

水煎入燒人尿服

托裏十補散 治因吐瀉脾虛毒氣內陷而不出及傷飲食

鬱熱不發熱久不退者

人參 黃芪 當歸 厚朴姜炒 桔梗 官桂

川芎 防風 甘草 白芷

水煎入牛蒡子末服

枳實導滯湯 治傷食鬱遏熱久不出而內實者

枳實 山楂肉 連翹 半夏姜製 黃連酒炒 木通

甘草 紫草茸 水煎入檳榔末服

一治壯熱無度者用五苓散

便膿 黃連阿膠丸 治痘毒流入大腸便膿血

黃連 二兩 阿膠一兩 蛤粉炒 當歸一兩 酒洗

為末滴水丸菴葶大每服二三十丸空心米湯下

汗熱承氣化毒湯 治狂妄發燥手足宜熱而反冷此陽極

似陰謂之陽厥

枳實 厚朴姜炒 大黃酒炒少用 檳榔 甘草

水煎服

回陽化毒湯 治曾吐瀉脉沉弱手足宜冷而反熱此陰極

似陽謂之陰燥

人參 官桂 茯苓 白朮 附子製 甘草

水煎服

補中益氣湯 治脾胃虛弱四肢厥冷

黃芪炙 人參 白朮炒 甘草 官桂 歸身

陳皮 甚者加熟附子

喘脹助脾化毒湯 治傷食喘脹

蘇子炒 蘿蔔子炒 陳皮 厚朴姜炒 枳殼炒 半夏

檳榔 姜三片水煎服

何號周天散 治痘燥乾黑色項強直視腹脹喘急發搐

蟬退五錢 地龍一兩去土

為末量兒大小煎乳香湯調下三四服

一方治心熱煩燥喘閉用五苓散

清肺湯 治痘實熱聲音不出喘急咳嗽

高天家少方

人參 前胡 瓜蒌仁 桔梗 薄荷 貝母

甘草 桑皮 大力子 茯苓 旋復花 枳殼

姜三片水煎服

腹痛當歸化毒湯 治燥屎未解而腹結痛者

升麻 當歸 麻仁 枳殼 紅花 生地

桃仁 檳榔 水煎服

溫中化毒湯 治傷生冷或飲水而腹痛

人參 木香 白朮炒 甘草炙 砂仁 白芍炒

枳實炒 陳皮 乾姜煨 水煎服

建中托裏湯 治泄瀉腹痛

黃芪 官桂 白芍炒 人參 白朮炒 甘草

升麻酒炒 水煎服

痛痒回生散 治痘正起壯灌漿時痒者

防風五錢 白芷四錢 黃芪一兩為末每服一錢

四聖解毒湯 治能食大便秘邪氣內實正氣外虛而痒

紫草茸 木通 枳殼 黃芪 桂枝

大便秘甚加酒炒大黃少許水煎服

四聖化毒湯 治痒而其人壯實曾無吐瀉者

木通 歸尾 赤芍 防風 官桂少許

水煎服

參歸化毒湯 治元氣弱曾經吐瀉而痒者

人參 當歸 黃芪 赤芍 桂枝 白朮

甘草 炙 水煎服

調元托裏湯 治因泄瀉正氣裏虛邪氣外實而痒者

防風 黃芪 人參 訶子肉 木香 陳皮

桂枝 荊芥穗 赤芍 甘草 羌活

姜水煎服

浴痒方 升麻蒼朮麻黃槲柳桑枝煎湯乘熱拭之

涼血芍藥湯 治瘡痛乃血熱也

白芍 酒炒 歸尾 生地 紅花 酒炒 地骨皮

水煎服

一方痘瘡痛痒無極內有蛆虫者看痘微動是此症用蟬退

青黛各五錢華陰細辛各二錢五分蛇退一兩燒存性為

細末每服二錢淡酒送下虫俱化水如有破傷者燉寒水

石末乾摻之

灰十全快班湯 治因瀉後氣虛灰白不起者

人參 黃芪 炙 甘草 炙 白朮 炒 白芍 炒 歸身

川芎 木香 官桂 陳皮 藿香

姜棗煎服

助脾湯 治色白如錫餅頭目浮腫而能食無他症者

陳皮 山查肉 荊芥穗 青皮 甘草 木香

牛蒡子炒 枳殼 水煎服

解肌化毒湯 治灰白而腥臭此有濕熱當解其標

升麻 荊芥穗 蒼木炒 甘草 赤芍 連翹

黃栢 酒炒 葛根

水煎服更以益元散蜜水調敷令不潰爛

中和散 治寒症脾胃虛弱痘淡白陷不起

人參 茯苓 白朮 當歸 川芎 各三錢 木香

肉蓯蓉 肉桂 各二錢五分

為細末好酒調下三五分

靈砂丹 治灰白色淡痘靨如蛇皮者黑陷根窠不紅活者

只要有生氣皆治之

辰砂明者四兩二兩用荔枝殼煎湯煮二兩用白湯煮微

煑畢取起研極細用天靈蓋三錢打碎黃泥封固炭火煨

紅冷定取出為末入射香三分同辰砂再研以飛麵四兩

和臘月兔血為丸就臘月辰日製合丸如菘葢大每服一

丸酒漿送下

空殼無漿 四物化毒湯 治血不足窠囊浮脹中含清水

川芎 歸身 生地 白芍炒 牛蒡子炒 甘草

麥門冬 法官桂 木通 水煎服

保元化毒湯 治氣虛無漿者

人參 牛蒡子 黃芪炙 當歸身 川芎 赤芍

甘草 防風 官桂 荆芥穗 合歡木

水煎服

十全化毒湯 治氣血俱虛無漿者

人參 白朮炒 熟地 當歸 黃芪炙 茯苓

牛蒡子炒 川芎 肉桂 甘草炙 白芍炒 木通

水煎服

寒戰咬牙 養衛化毒湯 治瘡出太盛表虛而戰

桂枝 人參 黃芪炙 甘草 當歸

水煎服

清神化毒湯 治心肝火旺其牙相戛而鳴

升麻 生地 木通 甘草 防風

麥門冬去心 水煎服

柴葛桂枝湯 治熱時寒戰

柴胡 葛根 甘草 羌活 人參 防風

官桂 牛蒡子炒 淡竹葉水煎服

魏桂巖曰七日前寒戰者表虛也咬牙者內虛也七日後寒戰者氣虛極也咬牙者血虛極也氣虛者保元湯加桂血虛者保元湯加芎歸若無譫語狂煩尋衣摸縫者不治

咽啞 水噎 甘桔化毒湯 治因食熱物或誤服熱藥咽喉生瘡有是症者

桔梗 甘草 牛蒡子炒射干 連翹 水煎入竹瀝服

養心化毒湯 治喉無瘡而啞此血不榮於舌也 當歸 生地 麥門冬去心 升麻 人參

燈心為引

喉滋陰潤燥湯 治誤服熱藥咽喉腫痛口舌生瘡眼赤腫痛

山梔 黃芩 連翹 荆芥 薄荷 桔梗 天花粉 前胡 當歸 木通 鼠粘子

水煎服

消毒散 治咽喉腫痛口齒臭爛又治熱毒壅遏在目 鼠粘子四錢 荆芥二錢 甘草一錢 防風五分

水煎服

十宣散 治痘瘡咽喉腫痛

黃連 黃芩 黃栢各一錢 孩兒茶 苦參各五分 雄黃 玄明粉八分 礞砂八分 乳香一分 冰片少許

為細末吹之

黑陷 倒靨 木香快斑湯 治泄瀉由灰白而變黑陷倒靨者

人參 黃芪 木香 桂心 訶子肉 青皮

甘草炙 歸尾 白朮 陳皮 茯苓

姜水煎

補中托裏散。治中氣不足倒靨者服之頭面已破者復灌手足遍身無瘡者又出一層謂之補空雖遲久不為大害

人參 黃芪 甘草 牛蒡子炒 當歸 連翹

薄桂 青皮 木香

水煎服如服此而頭面不腫空痘不滿者難治

奪命五毒丹 治黑陷倒靨乾枯不起者

蟾酥少許 牛黃二分 硃砂一錢 雄黃三分 冰片二分

右為末用獾猪尾血為丸麻子大薄荷湯下一丸移時活

大造保童丸 治血陷倒靨乾枯者

人胎骨人家淹死不 狗胎骨酥 猫胎骨炙 射香少許

為細末酒調服

一字丹 治黑陷乾枯倒靨不起者

紫花地丁 金線重樓 山慈菘 為末酒調服

燒人尿 治黑陷

冬月取人糞絕乾者燒存性蜜水調服

變黑 歸腎百祥丸。痘變黑歸腎者用此下之

紅芽大戟不拘多少水煮軟去骨晒乾復納汁中煮汁盡為度焙乾為末水丸粟米大每服二三十丸量兒大小虛

實用赤芝麻煎湯送下吐利是效

猪尾膏 治變黑歸腎及倒靨心神不寧者

用小猪尾尖刺血三二點入生腦子少許辰砂末一錢同研成膏木香湯下

一治痘變黑脹痛每一痘用蝸牛一箇入人乳研細白酒少許送下片時即紅黃如脹痛不已外用蝸牛如前法敷上

須要挑破

疔四聖快斑湯 治痘疔煩燥腹脹喘渴變黑血枯閉塞者

黃芪 人中黃 紅花 酒炒 紫草茸 麻黃 酒炒 木通

牛蒡子 絲瓜 連蒂燒存性 連翹 辰砂 燒人

屎 絲瓜辰砂人屎 另研入藥 永煎服

三仙散 治痘疔

紫花地丁 番白草 歸尾

水一鍾入酒二盞煎服

四聖丹 治痘疔

珍珠 琬痘 燒灰存性 血餘 燒存性二灰等分 冰片 五厘

為細末用油臘脂調成膏先將銀簪撥開疔口以藥填入即變紅活矣

煩生津地黃湯 治大便堅實而渴此內實作熱也

天花粉 生地 知母 麥門冬 法 甘草

水煎服

生脉散 治痘起壯時及收靨後煩渴

人參一錢 麥門冬去心三錢 五味子十五粒研碎

煎湯當茶服

有一兒渴甚服諸藥不效飲水數碗即起漿而愈此亦一驗

記之

收靨 天水散 治服補藥太過如火灼爛者

滑石研一兩 甘草研五錢 蜜水調敷瘡上那火退靨即收

除濕湯 治飲水濕脾以致收靨不齊者

羌活 蒼木炒 防風 赤茯苓 木通 澤瀉

白木炒 猪苓 薄桂 水煎服

葛根解毒湯 治收靨時反增大熱煩渴

天花粉 葛根 當歸 地骨皮 木通 連翹

甘草 牛蒡子 黃芩酒炒 柴胡 人參

淡竹葉為引水煎服

調元固表湯 治靨不落

黃芪炙 人參 當歸 甘草炙 蟬退

水煎服

清神湯 治靨不脫昏睡

人參 麥門冬去心 黃芪炙 當歸 白木炒 陳皮

棗仁生用 甘草炙 黃連炒 大棗為引

當歸桂枝解毒湯 治冬月被寒氣鬱遏者

薄桂 赤芍 牛蒡子 防風 蟬退

水煎服

甘露解毒湯 治夏月為熱氣薰蒸而不屬者

木通 黃芩 甘草 官桂 連翹 猪苓

澤瀉 麥門冬去心 地骨皮 水煎服

當歸解毒湯 治內熱便實不屬

生地 當歸 麻仁 連翹 紫草茸 枳殼

水煎服大便秘甚加酒炒大黃

參歸湯 治虛弱不屬

黃芪 人參 當歸 牛蒡子 甘草

水煎服如因泄瀉不屬者用木香散

濕爛四君子快斑湯 治痘充肥而帶淫濕此濕盛而氣不

足也

黃芪炙 人參 白朮炒 茯苓 甘草炙 官桂

白芷 荆芥穗 防風 陳皮 白芍炒

水煎服

大補保命湯 治痘紅活充肥但以指捺之隨捺隨破者此

名皮嫩後多痒塌

歸尾 黃芪灸 人參 川芎 赤芍 生地
牛蒡子炒 甘草 防風 荊芥穗 連翹 官桂

水煎服

發連翹解毒湯

赤芍 連翹 甘草節 牛蒡子 白芷 當歸

木通 川芎 穿山甲

毒在太陽經加羌活防風○少陽經加柴胡黃芩○少陰經加黃連木通○太陰經加官桂防風○陽明經加升麻葛根○厥陰經加柴胡青皮

消毒連翹飲 治痘後熱毒尚留經絡結成癰腫若不早治

必成廢疾

牛蒡子 連翹 防風 白芷 金銀花 茯苓

當歸 木通 射干 白朮 黃芪 芍藥

甘草 天花粉

水煎服大便秘甚加酒炒大黃

土肌散 治痘毒難收口者

乳香 沒藥俱瓦上焙 血竭 黃丹炒水飛

輕粉各五分 赤石脂煨 龍骨各一兩 蜈蚣二錢 枯礬一錢

麝香一分 為極細末摻在生肌膏藥上貼之

一方痘毒已潰出濃者以本兒痘靨同陳年舊綿花燒灰存

性為末摻之即收口而安再不又發毒矣

一方用煨牛屎燒灰存性砂糖調敷潰處立效

玄參化毒湯。治餘毒發赤火丹癰

赤芍 玄參 歸尾 石膏 連翹 生地

地骨皮 紅花 酒炒 荆芥穗 防風 木通

淡竹葉水煎服

防風敗毒飲 治餘毒發癰疹

升麻 葛根 防風 赤芍 甘草

水煎服外取蠅子不拘多少活者以水養五七日旋取其

水洗用天水散拭之

洗藥方 痘後餘毒發疹痒極者

防風 荆芥 連翹 白芷 皂角 苦參

苦練子 川椒 歸尾 黃柏 地骨皮 細辛

桃槐柳桑枝 煎湯洗浴

一小兒痘出面身共三五粒已愈忽一日頓生一毒煩燥不

安補托更甚遂知痘毒未盡以升麻葛根湯加麻黃辰砂

山查牛蒡子遍身痘出而安介解毒犀角地黃湯加枳殼

二錢更好。

芒硝猪膽膏 治痘疤不落生瘡者

乳香 沒藥 芒硝 錢 滑石 三錢

為細末猪膽汁調搽瘡上如瘡生蛆巴豆數粒燈上燒熟
研細加入

白癩三合湯 治痘後癩白乃氣血虛也

四君子四物二陳合成一劑姜棗水煎服用數貼滋養免
生他症

痘後熱 知母解毒湯 治痘後脉數而熱此邪氣實也

生地 知母 軟石膏 升麻 地骨皮

天花粉 牛蒡子 黃芩酒炒 甘草 淡竹葉

水煎服

黃芪調元湯 治正氣虛而熱

人參 黃芪炙 麥門冬去心 甘草 當歸

水煎服

加減補中益氣湯 治傷食而熱

黃芪炙 人參 白朮炒 陳皮 枳實 青皮

木香 麥芽炒 神麩炒 黃連炒 甘草

水煎服

桂枝解肌湯 治感冒發熱

黃芩 桂枝 人參 赤芍 葛根 柴胡

甘草 淡竹葉 水煎服

小柴胡湯 治痘後往來潮熱

柴胡 黃芩 人參 半夏 陳皮 知母

當歸 地骨皮 白芍 水煎服

痘後失音 天花散 治痘後聲音不清

桔梗 天花粉 茯苓 訶子煨去核 石菖蒲 甘草

各一錢為末調鍾內以竹葉七片荆芥頭七莖同煎臨服

目眼 蜜蒙花散 治痘入眼在黑輪上或掩瞳人者

谷精草五錢 蜜蒙花酒洗五錢 蟬退去翅足五錢 夜明砂一兩

為末猪肝一具竹刀披破用藥一錢擦上水煮肝熟連汁

食之

涼肝散 治痘後目不敢開雖向暗處亦不敢開

龍膽草酒洗 蜜蒙花 黃連酒炒 當歸 防風 柴胡

川芎 用猪猪肝煮汁煎服

瀉肝散 治痘後肝經蘊熱目痛

當歸 防風 川芎 白芍 白蒺藜 生地

連翹 膽草 甘草 黃連 木賊 菊花

蔓荊子 加燈心水煎服

羚羊角散 治痘後毒攻眼目生翳淚多紅赤腫閉

羚羊角鎊 黃芩 黃芪 草决明 車前子 升麻

防風 大黃炒少用 水煎服

退翳散 治痘瘡入目

人參 牛蒡子 為末每服一錢糯米飲下

兔屎丸 治痘後翳膜

菊花 家種黃色者 白蒺藜 甘草 各一兩 兔屎 四兩

為末蜜丸桐子大每服三十丸細茶湯下

洗肝散 痘後眼目受傷翳遮

羌活 六分 薄荷 川芎 各四分 梔子 六分 防風 甘草

歸尾 水煎溫服如熱盛加黃柏黃芩

牙疳 研碎 清胃散 治痘後牙疳腫痛

升麻 二錢 當歸 一錢二分 黃連 丹皮 生地 各一錢

水煎服

珍珠散 治舌瘡赤者此熱在心脾二經也口瘡白者此熱

在心肺二經也

片腦 少許 珍珠 玄明粉 硼砂 人中白 煨 槐皮

各等分為末先以荊芥湯洗淨吹之

黃連除蠶丸 治狐惑症上唇有瘡虫蝕其臟謂之狐下唇

有瘡虫食其肛謂之惑

蘆薈 一錢二分 黃連 二錢 燕薹 一錢五分 史君子 肉一錢五分炒

乾蟾 炙一分 錢 川練子 六錢 夜明砂 一錢二分

為末烏梅肉洗去黑水杵膏丸黍米大米飲下

膿血大補湯 治痘瘡破損灌膿作痛出血不止膿水不乾

人參 黃芪 當歸 牛蒡子 甘草 連翹
官桂 水煎服

白龍散 治濕爛不收

用乾牛屎燒過取中間白者研細摻之

敗草散 治痘搔破膿血淋漓

多年牆上爛草為末乾摻之若渾身膿水不乾粘衣難以
坐臥者用一二升攤席上令兒坐臥尤妙

綿繭散 治痘後生疔瘡遍身膿水不乾

出蛾蚕繭用生白礬末入繭內令滿燒之礬枯為度細研
摻之

白螺散 治濕爛不收

白螺殼古牆上取者去土洗淨燒存性為末乾摻

金華散 治痘後肥瘡疥癬

黃栢 黃丹 黃芪 黃連 大黃 輕粉

射香 少許 為末瘡濕乾摻瘡燥臘猪油熬化調塗

滑石散 治痘臭爛膿血淋漓

軟滑石炒細研加白芍同煎一伏時去白芍將滑石飛過
加珍珠再研敷爛痘神效但不可敷厚恐厚則閉氣也

一方痘後屢年生瘡不絕者用黃桑樹葉煎湯洗五六次仍
以生熟地黃湯五服去根永不發

面瘡升麻解毒湯 治面瘡盡破反復灌膿者防壞眼崩鼻

墜唇破面之病

白芷 升麻 黃芩酒炒 牛蒡子 連翹 蟬退

密蒙花 荆芥穗 防風 當歸 白蒺藜

甘草節 木通節 水煎服

當歸涼血湯 治孤破出血

紅花 當歸 地骨皮 連翹 黃芩酒炒 甘草

生地 牛蒡子 人參 黃芪 水煎服

托裏四生湯 治破而枯燥無血者破而成坑者

牛蒡子 連翹 當歸 黃芪 甘草 官桂

燒人尿 水煎服

瘰癧黃連解毒湯 治膿血甚者

條芩酒炒 黃連酒炒 歸尾 枳殼 紅花 甘草

水煎服

黃芩湯 痢症通後服此

當歸 黃連炒 條芩酒炒 川芎 赤芍 甘草

木香 久不止加升麻腹痛甚加酒蒸大黃

理中四苓湯 治水谷不分

人參 白木炒 茯苓 甘草 乾姜 猪苓

澤瀉 水煎服

痘後補中益氣湯 治正氣虛弱寒熱

人參 黃芪 炙甘草 柴胡 炒白朮 炒陳皮

升麻 炒青皮 桂枝 當歸 木香

虛甚加熟附子

痘後調元生脉散 手足厥冷不可妄投異攻散

黃芪 人參 甘草 麥門冬 去心當歸 桂枝

虛甚加熟附子

痘後當歸桂枝湯

川芎 當歸 酒洗白芍 酒炒黃芪 炙甘草 薄桂

蒼朮 炒黃柏 酒炒

氣虛加人參再稍加川烏以行經如感冒風寒骨節疼者

加羌活防風以散之

痘後清神散火湯

木通 麥門冬 去心玄參 甘草 黃連 炒

梔子仁 炒燈心 水煎入辰砂末服

紅粉丸

膽星 四錢天竺黃 枯礬 辰砂 坏冬 三錢

為細末甘草膏丸桐子大姜湯下有熱薄荷湯下

浮腫加味五皮湯 治表虛受風濕之氣浮腫者

羌活 五加皮 蒼朮 炒桂枝 木通 桑皮

防風 猪苓 甘草 姜皮 防已 燈心

水煎服

厚朴湯 治傷食腹脹目腫

蒼朮 腹皮 厚朴姜炒 陳皮 猪苓 茯苓

木香 因於水者加澤瀉滑石車前子葶藶因於食者

加神麩山查枳實喘加葶藶杏仁

菜菔丸 下氣消脹

胡椒厚朴煎湯浸過 晒乾二錢 白朮壁土炒一兩 菜菔子炒五錢

為末蒸餅糊丸桐子大陳皮湯下

痘後黃芪湯 治自汗

人參 黃芪炙 甘草炙 黃連炒 桂枝

水煎服

當歸湯 治盜汗

黃芪炙 當歸 生地 麥門冬去心 甘草炙

黃連炒 白芍炒 浮麥 用猪心煮汁煎

痘後涼血地黃湯

歸尾 黃連炒 生地 山梔仁炒 玄參 甘草

衄血加片苓茅花○溺血加木通滑石○吐血加知母石

膏童便香附○便血加秦艽槐子荆芥穗○血不止加炒

蒲黃藕節側柏葉

痘後參苓白朮丸

人參 白朮炒 茯苓各三錢 陳皮一錢五分 山藥二錢二分

木香一錢 山查肉三錢 青皮一錢 甘草炙一錢 神麴炒二錢

瀉加訶子一錢 為末蒸餅糊丸米飲下

痘後大連翹飲 治痘後心肺積熱便秘

梔子炒六分 連翹一錢 柴胡六分 滑石 黃芩 瞿麥

各四分 甘草 蟬退各二分 防風 木通 白芍

各八分 荆芥四分 鼠粘子 車前子各五分 當歸

一錢六分 姜三片水煎服

痘後喘嗽 寧肺湯

知母 牛蒡子炒 馬兜鈴 桔梗 軟石膏 杏仁

地骨皮 甘草 嗽加貝母桑皮喘加炒葶藶

痘後羸瘦 參朮丸

白朮炒 人參 茯苓各二錢 陳皮一錢五分 山藥二錢五分

山查肉三錢 厚朴姜汁炒二錢 神麴炒三錢 澤瀉二錢 甘草炙一錢

為末蒸餅糊丸米湯下

當歸益榮丸

黃連炒二錢五分 當歸二錢 川芎一錢五分 蘆薈一錢 史君子肉二錢

為末蒸餅糊丸米飲下

泡子又有泡子先出不知者誤投他藥天者多矣此乃五臟

積毒所致當先依症發散其泡即消痘隨出矣○青泡屬肝用瀉青湯○赤泡屬心用黃連解毒湯俱用酒炒過○黃泡屬脾用瀉黃散去麝香加酒炒芍藥○白泡屬肺用瀉白散○黑泡屬腎用涼隔散加玄參生地當歸

麻瘡

麻瘡者法治法

發熱咳嗽之時既明麻瘡有出不快者用麻黃湯羌活湯消毒飲發散解毒外以芫荽酒糟蒸熱擦之自頭上至足為齊頭面多者佳

凡看麻多於耳後項上腰眼先見其頂大而不長其形小而

勻淨既出之時如紫紅乾燥暗晦乃火盛毒熾宜用六一散解之四物湯換生地加柴胡見風沒早未清爽者宜消毒飲加發散藥有出三日不沒者乃內有實熱宜用四物湯加清利之劑

麻瘡正出之時不進飲食者但得麻色淡紅潤澤亦無害乃熱毒未解內蘊實熱故不食耳麻退不食者四物湯加神麩砂仁

麻瘡輕重

或熱或退五六日而後出者輕淡紅滋潤頭面勻淨而多者輕發透三日漸沒者輕頭面不出者重紅紫暗燥者重咽喉

腫痛不食者重。胃風沒早者重。移熱大腸變痢者重。黑暗枯乾一出即沒者不治。鼻扇口張目無神者不治。利青屎者不治。氣喘心前吸者不治。痲後牙疳臭爛者不治。

方論

疹瘡皆胎毒所發。瘡發掀腫於外者屬少陽三焦相火也。謂之斑色小紅而行於皮膚中出者屬少陰君火也。謂之疹。五臟心肺相連而位乎上。故斑疹之發惟肺受毒最甚。觀其咳嗽鼻涕出則可徵矣。瘡子治法宜瀉火清金為主。瀉火如芩連梔子連翹玄參之屬。清金如知母石膏麥門冬牛蒡子天花粉之屬。

大抵痘瘡之發與傷寒相似。必先期其歲氣如時令溫暖以辛涼之藥發之。暄熱以辛寒之藥發之。大寒以辛溫之藥發之。時寒時煖以辛平之藥發之。不可誤作傷寒妄汗及伐天和也。又要看人虛實如下。腑閉結熱煩太甚者以酒炒大黃微利之。吐利不止以參歸之類補之。能施治如此豈不稱良工哉。

防風解毒湯 溫暖之時以此辛涼之藥發之

薄荷 防風 荆芥 石膏 知母 桔梗

甘草 牛蒡子 連翹 木通 淡竹葉 枳殼

黃連解毒湯 暄熱之時以此辛寒之藥發之

防風 荆芥穗 黃芩酒炒 黃連酒炒 知母 石膏

桔梗 甘草 玄參 黃柏酒炒 梔子仁炒 木通

麻黃解毒湯 大寒之時以此辛溫之藥發之

赤芍 麻黃 防風 荆芥 羌活 甘草

桔梗 人參 川芎 牛蒡子 桂枝酌量用恐太熱

生姜

升麻解毒湯 時煖時寒以此辛平之藥發之

升麻 葛根 羌活 人參 柴胡 前胡

甘草 桔梗 防風 荆芥穗 牛蒡子 赤芍

連翹 淡竹葉

和解湯 初發一二日間用此解毒升發

葛根 升麻 白芍 甘草 人參 川芎

防風 羌活

一方去人參加麻黃

敗毒散 瘡疹大行時發熱咳嗽氣急在疑似之間者

人參 枳殼 前胡 甘草 陳皮 川芎

薄荷 地骨皮 羌活 獨活 柴胡 升麻

麻黃 葛根 連翹 防風

姜三片水煎服如熱盛發歇加膽星 葶藶 天麻 黃芩 化下

抱龍丸

脫甲散 治瘡疹將行元氣怯弱

人參 川芎 當歸 柴胡 龍膽草 知母

甘草 茯苓 葱頭三箇水煎服

麻黃桂杏湯 治手足厥冷面青者

桂枝 麻黃 杏仁 甘草 姜三片水煎服

防風通聖散 治瘡已發隱隱皮內咳嗽氣急

荆芥 防風 連翹 山梔 石膏 滑石

薄荷 桔梗 麻黃 甘草 當歸 川芎

白芍 乾葛 升麻 水煎服

麥煎散 治發盛隱隱皮內作渴壯熱泄瀉咳嗽氣急

人參 麻黃 杏仁 葶藶 地骨皮 赤芍

滑石 知母 茯苓 甘草 牛蒡子 玄參

薄荷 入小麥一撮煎服

犀角地黃湯 治瘡疹鼻流鮮血

生地 犀角 赤芍 丹皮 天花粉 黃芩

山梔 防風 荆芥 木通 牛蒡子 玄參

水煎服

孕婦出瘡四物湯加白朮條芩砂仁安胎清熱為主

痘瘡雖皆胎毒與天行正病相類其實瘡只於發苗之初但得毒出便解矣若痘必待苗而秀秀而實膿成而後毒解所

以治瘡者貴慎乎首治痘者貴慎乎尾也

麻黃散 治瘡淹延不出毛孔盡閉皮膚乾燥毒氣拂鬱者

人中黃 麻黃蜜酒炒升麻酒洗牛蒡子炒蟬退去土足翅

水煎服

黃連湯 治汗多

生地 黃連 麥門冬去心黃栢 黃芩 當歸

黃芪 水煎調敗蒲扇灰服

茅花湯 治衄血

山梔仁 生地 茅花 當歸 黃芩

水煎百草霜服

竹茹石膏湯 治吐

陳皮 半夏 石羔 茯苓 竹茹

水煎服

猪苓湯 治瀉

澤瀉 猪苓 滑石 赤茯苓 甘草 黃連

升麻 水煎服

黃芩湯 治裏急後重

赤芍 黃芩 黃連 生地 木通 枳殼

甘草 歸尾 人參

水煎調天水散服

耳桔牛蒡湯 治咽喉腫痛

桔梗 甘草 連翹 牛蒡子 升麻

水煎服

吹藥用十神散 方見痘疹

人參白虎湯 治口渴生津解熱

知母 人參 石膏 天花粉 葛粉 粳米

麥門冬去心淡竹葉 水煎服

凡飲水過多者水入於肺為喘為咳宜用葶藶以洩肺中之水水入於脾為腫為脹為自利水入於胃為嘔為噦為利宜用猪苓澤瀉茯苓以洩脾胃之水水入於心為悸為

驚宜用木通赤茯苓以洩心下之水水入於肝為脇痛用芫花以洩肝水水入於腎與膀胱為小便不利用車前子木通以洩膀胱之水

化斑湯 治赤斑如錦紋

人參 知母 石膏 牛蒡子 連翹 升麻

地骨皮 淡竹葉 甘草 糯米 水煎服

益榮湯 治斑色白者此血不足也

當歸酒洗人參 紅花酒洗赤芍桂水洗甘草

水煎服

大青湯 斑黑者十死一生急用此湯

玄參 大青 桔梗 人中黃 知母 升麻

石膏 梔子仁 木通 便秘甚加酒炒大黃

水煎入燒人屎服

瘡子之出常以六時即收如子後為陽午後即收午後為陰子後即收此陰陽生成之造化也若一出連綿至三四日不收者毒火太甚須用化斑解毒湯使毒發於外裏無餘邪免生後災

化斑解毒湯

玄參 知母 石膏 人中黃 牛蒡子 升麻

淡竹葉 連翹 水煎服

清熱除疔 治渾身發熱晝夜不退髮枯膚粹漸成疔瘡

黃連姜炒 當歸酒洗各二錢 龍膽草 陳皮 青皮各錢半

乾蟾頭 川芎各一錢 使君子去殼一錢二分 蘆薈錢半

為末神麩糊丸米湯下

當歸養血湯 治渾身壯熱搐掣煩燥不寧

川芎 當歸 生地 麥門冬去木通 甘草

淡竹葉 燈心 山梔仁 水煎服

黃連安神丸 治同前

龍膽草 黃連 當歸酒洗各二錢 石菖蒲 茯神各錢半

全蠍七個 為末湯浸蒸餅杵猪心血丸硃砂為衣燈心

湯下

擦牙散 治牙齦黑爛時時血出名走馬疳

白梅 煨存性 枯礬各三錢 人中白 煨伍錢

為細末先用韭菜根同茶葉煎湯洗淨見鮮血然後以前藥敷之日三次爛至喉內者吹入

文蛤散

雄黃 枯礬各五 五倍子二錢 蚕退紙燒存性一錢

為末以米泔洗淨牙根敷上一日三四次

疳後牙疳紅腫者用清胃湯合其桔湯加牛蒡子荆芥玄參胃爛者不治

化愚丸 治口疳

蘆薈 史君子肉 龍膽草各二錢 黃連炒二錢 五靈脂

川練肉各一錢五分

為末湯浸蒸餅丸白湯下

龍腦散 治口破爛

辰砂 六分 龍腦 三分 雄黃 六分 青黛 黃連 黃栢

各五分 硼砂 玄明粉各七分 人中白煨一錢

牛黃三分 為極細末摻之

甘露飲 治疳後牙根去血口吳腫爛

麥門冬去心 天花粉 天門冬去心 茵陳 生地 熟地

枳殼 枇杷葉 石斛 黃芩 甘草

水煎服爛者用擦牙散吹之

玄參湯 治瘡後齒腮腫痛流涎生馬牙之熱

川芎 玄參各七錢 石膏煨一錢 甘草 黃連 防風

黃芩各五分 白芷三分 白芍 牛蒡子各八分

水煎服

黃芩湯 治休息痢裏急後重晝夜無度

當歸 黃連炒 黃芩 川芎 人參 木香

青皮 枳殼 檳榔 甘草

水煎調益元散服氣甚者加酒蒸大黃

瘡後瀉痢者乃積熱移於大腸宜四苓散加木通芩連白芍

或豈寇丸香連丸之類

門冬青肺湯 治瘡後嗽甚氣喘連聲不住

知母 貝母 天門冬去心 麥門冬去心 桔梗 甘草

牛蒡子 石膏煨 杏仁 馬兜鈴 糯米

水煎服

胸高如龜殼肩聳而喘血出口鼻攤手搖頭面色或青或赤

或白而枯者皆不治

青金保肺湯 治瘡後餘毒未盡壯熱未除咳嗽氣急

麥門冬去心 桔梗 天門冬去心 黃芩 荊芥 知母

杏仁 天花粉 玄參 牛蒡子 五味子

姜三片水煎服

瘡後痰嗽不止四物二陳加瓜蒌桔梗五味子渴加麥門冬

枳殼喘加蘇子桑皮

十味連翹飲 治瘡後發熱咳嗽瀉弱昏沉

山梔炒 白朮炒 連翹 白芍炒 防風 荆芥

牛蒡子炒車前子 滑石 蟬退 木通 桔梗

紫胡 黃芩 甘草 水煎服

荳根湯 治瘡後餘毒未盡咳嗽口破

麥門冬去心 山荳根 桔梗 知母 天花粉 玄參

荆芥 射干 連翹 牛蒡子 薄荷

水煎服

玉匙散 治瘡後臙骨腫痛垂下及舌根強硬

硼砂一錢 朴硝五分 姜蚕一條 片腦五厘 為末吹之

耳桔湯 治瘡後咽喉腫痛

桔梗 甘草 防風 牛蒡子 玄參 升麻

射干 水煎熱甚加黃芩小便黃澀加木通天花粉薄荷

加減胃風湯 治瘡後餘毒未盡

黃連炒 當歸 川芎 白芍炒 蒼朮炒 薄荷

黃芩炙 防風 荆芥 連翹 地榆 烏梅

槐花 滑石 水煎服

洗肝散 治瘡後眼閉不開

羌活 薄荷 川芎 山梔 歸尾 甘草

防風 熱甚目閉加黃芩黃柏酒蒸大黃下之又用鷄

子清調黃連末敷太陽

鶴頂丹 治瘡後一切積熱諸症

寒水石 煨石膏各二兩 甘草二錢

為末另煎甘草膏九芡實大辰砂為衣薄荷湯下此藥凡

諸熱症俱可服

潛家禁忌比痘尤甚若誤食鷄魚則終身但遇天行之時又

令重出鹽酸食之令咳不止五辛食之令生驚熱所以通

禁必待四十九日之後方無禁也

脉訣

診視臟腑生剋要說

大凡診視坐定調息已之氣呼吸平和然後先以中指於彼
人掌後高骨之傍揣定關位次以食指按寸口之位又以無
名指按尺下之位凡一指必三般診先輕以取浮次稍重以
取中又最重以取沉寸主關以上至頭目關主臍以上至腹
脇尺主臍下腰足二便小腸膽胃大腸膀胱三焦以上六脉
皆輕手得之表也腑也心肝脾肺腎命門以上六脉皆重手

得之裏也。臟也。心屬手少陰。小腸屬手太陽。肝屬足厥陰。膽屬足少陽。腎屬足少陰。膀胱屬足太陽。肺屬手太陰。大腸屬手陽明。脾屬足太陰。胃屬足陽明。三焦屬手少陽。命門屬火。性水配三焦為表裏。氣與腎通。三焦者。上焦在心下。下膈。心膈下。以主榮衛。中焦在胃中脘。脾賴之以腐水穀。下焦在臍下一寸。肝腎賴之以流決液。津無形狀。乃臟腑中有餘不盡之臟腑也。左手關前一分為人迎。肝膽之位。脉緊盛傷於寒。右手關前一分為氣口。脾胃之位。脉緊盛傷於食。心與小腸君火也。肝與膽風木也。腎與膀胱寒水也。肺與大腸燥金也。脾與胃濕土也。命門與三焦相火也。五臟者。藏精氣而不

瀉。滿而不能實。六腑者。傳化物而不能藏。實而不能滿。以對待之位。言之。則左寸火尅右寸金。左關木尅右關土。左尺水尅右尺火。左剛右柔。為夫婦之別。以循環之序言之。右寸金生水。火生右關土。土又生右寸金。而金復生水。此五行更相生養。有子母之親。子能令母實。母能令子虛。治法云。虛則補其母。實則瀉其子。如水生木。是水為母。木為子。而木又生火。則子受竊氣矣。故水怒而尅火。此母為子力爭也。火又生土。是火為母。土為子。土見火被水尅。則母被鬼傷矣。故怒而尅水。此子為母力救也。假如肝木有餘。皆緣肺金不足。不能制木。故

木無所畏。反薄激而干肺。金乘脾土。是謂薄其所不勝。而乘其所勝也。又肝木氣少。不能以制脾土。土無畏妄行。乃凌其腎水。是謂所勝妄行。而所生者受病也。肝木之氣有餘。則肺金之氣自薄。是謂所不勝薄之也。蓋木氣有餘。土金交薄。故相迫為疾也。相生相尅。相勝展轉無窮。舉一以例其餘也。

七表脉

七表者何。浮。芤。滑。實。弦。緊。洪也。歌曰。浮脉不足舉有餘。芤脉中虛兩畔居。滑體如珠。中有力。實形偏偏與長俱。弦如始按。弓弦狀。緊若牽繩。轉索初洪。舉按之皆極大。此名七表。不同途。其見於病。曰。浮為中風。芤失血。滑吐實鬱。分明別。弦為拘

急。緊為疼。洪大從來偏主熱。

八裏脉

八裏者何。微。沉。緩。瀦。遲。伏。濡。弱也。歌曰。微末如有又如無。沉舉都無按有餘。遲緩息間三度至。濡末散止細仍虛。伏湏切骨沉相類。弱脉沉微。指下圓。瀦脉如刀輕刮竹。分明八裏見如途。其見於病。曰。遲寒。緩衰。微為虛。瀦因血少。沉氣滯。伏為積聚。濡不足。弱則筋痿。少精氣。

九道脉

九道者何。長。短。虛。促。結。代。牢。動。細也。歌曰。迢迢長脉似持竿。短脉本部不及間。虛則舉尋皆不足。促脉來數至無寬。結脉

緩時來一止。代表中止不能還。牢實尋無按却有。動尋似有。舉漫漫。細脉雖有但如線。脉分九道見多般。其見於病者。長為陽毒。三焦熱。短氣壅鬱未得昌。促陽氣。猶時兼滯。虛為血少。熱生驚。代主氣耗。細氣少。牢氣滿。急常主疼。結主積氣。悶無痛。動是虛勞。血痢崩。

診候入式歌

左心小腸肝膽腎。右肺大腸脾胃命。女人反此背看之。尺脉第三同斷病。心與小腸居左寸。肝膽同歸左關定。腎居尺脉亦如然。用意調和審安靜。肺與大腸居右寸。脾胃脉從關裏認。命門還與腎脉同。用心仔細須尋趁。若診他脉覆手取。要

自看時仰手認。三部須教指下明。九候了然心裏印。大腸共肺為傳送。心與小腸為受盛。脾胃相通五穀消。膀胱腎合為津慶。三焦無狀空有名。寄在胸中膈相應。肝膽同為津液腑。能通眼目為清淨。智者能調五臟和。自然察認諸家病。掌後高骨號為關。骨下關脉形宛然。以次推排名赤澤。三部還須仔細看。關前為陽名寸口。關後為陰直下取。陽弦頭痛定無疑。陰弦腹痛何方走。陽數即吐兼頭痛。陰微即瀉臍中吼。陽實應知面赤風。陰微盜汗勞兼有。陽實大滑應舌強。陰數脾熱并口臭。陽微浮弱定心寒。陰滑食滯脾家咎。關前關後辨陰陽。察病根源應不朽。一息四至號平和。更加一至大無病。

三遲二敗冷危困。六數七極熱生多。八脫九死十歸墓。十一
十二絕魂瘥。三至為遲。一二敗。兩息一至死。非怪。遲冷數熱
古今傳。難經越度分明載。熱即生風。冷生氣。用心指下叮嚀。
記春弦夏洪。秋似毛。冬石依經分節氣。阿阿緩若春陽柳。此
是脾家居四季。在意專心察細微。靈機曉解通玄記。浮乳滑
實弦緊洪。七表還應是本宗。微沉緩瀯遲并伏。濡弱相無八
裏同。血榮氣衛定息數。一萬三千五百通。

脉賦

欲測疾兮死生。須詳脉兮有靈。左辨心肝之理。右察脾肺之
情。此為寸關所主。腎即兩尺分并。三部五臟易識。七診九候
難明。晝夜循環。榮衛須有定數。男女長幼。大小各有殊形。復
有節氣不同。須知春夏秋冬。建寅卯月兮。木旺肝脉。弦長以
相從。當其巳午。心火而洪。脾屬四季。遲緩為宗。申酉是金。為
肺。微浮短瀯宜逢。月臨亥子。是乃腎家之旺。得其沉細。各為
平脉之容。既平脉之不衰。反見鬼兮命危。子扶母兮瘥速。母
抑子兮退遲。得妻不同。一治生死。仍須各推。假令春得肺脉
為鬼。得心脉乃是肝兒。腎為其母。脾則為妻。春得脾而莫瘥。
冬見心而不治。夏得肺而難瘥。秋得肝亦何疑。此乃論四時
休旺之理。明五行生尅之儀。舉一隅而為例。則三隅而可知。
按平弦而若緊。欲識瀯而似微。浮乳其狀相反。沉伏殊途同

歸。洪與實。而形同髣髴。濡與弱。而性帶依稀。先辨此情。後論其理。更復通於藥性。然後可以為醫。既已明其三部。須知疾之所有。寸脉急而頭痛。弦為心下之咎。緊是肚痛之徵。緩即皮頑之候。微微冷入胸中。數數熱居胃口。滑主壅多。濡而氣少。胸連脇滿。只為洪而莫非臏引背疼。緣是沉而不謬。更過關中。浮緩不食。緊牢氣滿。喘急難痊。弱以數兮胃熱。弦以滑兮胃寒。微即心下脹滿。沉兮膈上吞酸。濡即宜為虛視。沉乃須作實看。下重緣濡。女萎散療之。在急水攻。因伏牽牛湯瀉。則令安爾。乃尺中脉滑。定知女經不調。男子遇此之候。必主小腹難消。伏脉穀兮不化。微即肚痛無慘。弱緣胃熱上壅。遲

是寒於下焦。胃冷嘔逆。濡候腹脹陰疝。弦牢緊則痛居其腹。沉乃疾在其腰。濡數浮芤皆主小便赤澁。細詳如此之候。何處能逃。若問女子何因。尺中不絕胎脉方真。太陰洪而女孕。太陽大是男娠。或遇俱洪。而當雙產。此法推之。其驗若神。月數斷之。各依其部。假令中衝若動。此乃將及九旬。患者要知欲死。須詳脉之動止。彈石劈劈而又急。解索散散而無聚。雀啄損木而又住。屋漏將絕而復起。蝦遊冉冉而進退難尋。魚躍澄澄而遲疑。掉尾嗟乎。遇此之候。定不能起。縱有九丹天命而已。復有困重沉沉。聲音劣劣。寸關雖無。尺猶不絕。往來息均。蹀躞不歇。如此之流。何憂殞滅。經文具載。樹無葉而有

根人困如斯垂死乃當更治。

診脉切要歌

脉為元氣自先天動靜之間更有玄三部九候如綱紀七表八裏還相無寸關尺定三寸理規矩權衡四時舉何如九道恠脉多學者茫茫失宗旨浮沉遲數為良訣內外之形要分別外陽浮數裏沉遲如此觀之當自決大率兩寸管上焦當關胸口至於腰從足抵臍憑兩尺三部詳分理莫逃浮而有力則為風無力為虛伐本宗數而有力當為熱無力瘡癩痛痒同沉而有力則為積無力應當為氣逆遲而有力痛難禁遲而無力為寒疾診得心浮神不寧語言錯亂夢多驚肝家

見此成癱疾腸澀拘攣身更疼脾浮瘡痢氣喘急洩瀉無度不進食肺浮喘咳大便風面腫生瘡吐血膿腎脉浮虛滯血多齒牙疼痛背腰蛇瘡生足膝無多力猶主風搏氣不和沉脉主氣見於心崩漏淋淋血侵精咯血又無留氣結夜多不寐日惺惺怒氣傷肝肝脉沉脇疼氣痛眼睛昏移來脾部成中滿吐瀉身黃及不仁肺沉喘咳肺癰生嘔吐兼痰與失聲腎脉若沉腰背痛陰頰經閉腹膨膨心脉來遲小便頻悸怔嘔吐及心疼肝遲七疝兼諸積木氣之傷痛在膺冷氣傷脾脾脉遲腸中雷響瀉無時肺遲氣痞寒痰盛飲食難消氣漸衰滑精不禁小便多腿膝酸疼夢涉河及自覺來多有汗都

因遲脉腎家病。心家脉數發狂言。口舌生瘡小便難。頭暈目眩風熱盛。祇因數脉見於肝。脾數中消好嗜眠。胃翻口臭及齟宣。肺經脉數上焦熱。咳唾痰腥大便難。水竭陰消相火生。癢癢遺溺兩相侵。只因腎脉多來數。女子逢之或胎娠。五臟明時六腑同。何須物外覓神功。若還自把心融會。妙理都歸掌握中。更看形容把脉求。肥人沉細瘦長浮。嬰兒脉疾老人濡。矮促長疏又不侔。男子關前脉必充。女人尺脉定浮洪。弦鈞毛石分時序。四季平和胃氣冲。萬機四脉既包含。生死何嘗另有玄。浮散沉無遲一點。數來無數病難痊。歌罷殘陽閃暮鴉。半庭新月照梅花。依稀一枕羲皇卧。又夢軒轅教煉砂。

五臟虛實脉歌

肝旺於春象木榮。弦長之脉是安寧。浮洪為實虛沉滑微短之時。乃是刑心配。南方象火炎。脉浮大散是安恬。弦虛緩實分明別。沉滑為刑理。可嫌脾屬中央象。取尊阿阿緩大是其根。洪沉微短皆無畏。若遇弦長命不存。肺屬於金旺在秋。脉浮短濡體無憂。虛瀕緩大沉濡實洪大而長。病少瘳。腎旺於冬。配水行沉濡而滑。是安平。弦長是實虛浮短緩大而浮。病少生。

五臟虛實候歌

脇疼目赤偏多怒。頰腫頭旋耳不聰。此是肝家之實候。瀉之

方見有神功筋學目暗脇仍拘善恐多悲爪甲枯太息不能
並虛候勸君加補病方除背膺脾脇盡疼酸笑不休時口舌
乾此候有餘須減損報君莫悞作虛看驚悸憂悲顏色少舌
根多強背腰疼此為不足宜加補若瀉之時病愈增腹脹更
兼瘦不利足痿身重更饒饑四肢不舉脾為實瀉則誠宜補
則非腹脹腸鳴吐逆多食常不化病如何更無洩痢無時有
補益之時氣始和背肩股脛皆疼痛喘嗽仍兼上氣時此是
肺金之太過急須着瀉不宜遲呼吸之間仍少氣咳而見血
體難任病聲無有如何療針藥宜先補太陰腹膨體腫仍飡
泄汗出憎風面目梨默不欲言無少氣有餘須瀉莫狐疑眇

中清冷脊中疼耳內嘈嘈復又聾一厥逆無時小便變鹿茸巴
戟有神功

五臟積氣歌

肝之積氣為肥氣覆處如杯左脇邊痞瘕連年仍發欬此因
季夏肺脾生伏梁之疾在心頭如臂連臍病可憂此腎傳心
心授肺因而積結在深秋積在脾家名痞氣盤於胃管使人
慵肌膚羸瘦成黃疸此命傳來白季冬肺積如杯號息賁右
邊脇下是其真令人喘咳無寒熱心病傳來蓋自春腎之積
氣號賁勝上下無時腹內奔病今傳心心夏旺因而留結是
其根

五臟中風歌

心中風時惟偃卧汗流唇赤灸心膻青黃白黑唇間見縱遇
秦和亦少甦肝風踞坐不低頭唇目俱青療可瘳目若一黃
無一白神丹雖下愈無由踞而腹滿吐痰涎身若通黃灸可
痊手足青時脾已壞不須醫療命難延肺風偃卧胸中滿短
氣其人胃悶多口鼻白時尤可治色黃欲救柰伊何踞而腰
痛風傷腎視脇兩邊未有黃如此可醫宜灸脇面如土色定
知亡

五臟察色候歌

面腫蒼黑舌卷青四肢力乏眼如盲淚出不止是肝絕八日

應當命必傾面顰肩息且視看又兼掌腫沒紋斑狂言亂語
身悶熱一日之內到冥間臍突腫滿面浮黃泄痢不覺汚衣
裳肌肉麓溢兼唇反一十二日內穴殃口鼻氣出不復回唇
反無紋黑似煤皮毛焦枯折程途三日定知穴面黑齒
痛目如盲自汗如水腰折頰皮肉濡結髮無澤四日應當命
不存

妊娠脉

妊娠之脉如何認要辨陰陽衰與盛陰陽俱盛滑而和兩手
調勻數相應其人能食身無苦容色如常是妊定脉來左盛
是男形右手偏洪是女孕孕真常嘔頭昏悶此是停痰惡阻

症急宜正胃與消痰固血安胎全兩命若還腰腹俱脹痛日夜咽乾潮熱盛多眠惡食倦昏沉此屬經疑却非妊大都孕脉類如此在意消詳審安靜

又

肝為血兮肺為氣血為榮兮氣為衛陰陽配偶不參差兩臟通和皆類例血衰氣旺定無妊血旺氣衰應有體尺微關滑尺帶數流利往來并雀啄小兒之脉已見形數月懷耽猶未覺左疾為男右為女流利相通速來去兩手關脉大相應已形亦在前通語左手帶縱兩箇男右手帶橫一雙女左手脉逆生三男右手脉順產三女寸關尺部皆相應一男一女分

形証有時子死母身存或即母亡存子命往來三部通流利滑數相參皆替替陽盛陰虛脉得明遍滿胸膛皆逆氣左手太陽浮大男右手太陰沉大女諸陽為男諸陰女指下分明長記取三部沉正等無疑尺內不止真胎婦夫乘妻兮縱氣霧妻乘夫兮橫氣助子乘母兮逆氣參母乘子兮順氣護小兒日足胎成聚身熱脉亂無所苦汗出不食氣逆時精神結備其中住滑疾不散胎三月但疾不散五月母弦緊牢強滑者安沉細而微歸泉路

妊娠候歌

血下如同月水來。漏極胞乾主殺胎。亦損妊母須憂慮。爭遣

神丹救得迴。心腹急痛。面目青。冷汗氣絕。命必傾。血下不止。胎衝上。心腹冷。悶定傷身。墮胎倒仆。舉重輕。致胎死在腹中。居。是損。未出血不止。衝心悶痛。母魂孤。

產難生死候歌

欲產之婦。脉離經。沉細而滑也。同名。夜半覺痛。應分誕。未朝日午定知生。身重體寒。熱又頻。舌下之脉黑。復青。反舌上冷。子當死。腹中須遣母歸冥。面赤舌青。細尋看。母活子死。定應難。唇口俱青沫。又出。母子俱死。總高判。面青舌青沫出頻。母死子活。定知真。不信若能看。應驗。尋知賢哲。不虛陳。

新產生死候歌

新產之脉。緩滑吉。實大弦急。死來侵。若得重沉小者吉。忽若牢堅。命不停。寸口澁疾。不調死。沉細附骨。不絕生。審看此候。分明記。長須念。此向心經。

諸雜病生死脉歌

腹脹浮大。是出厄。虛小命殂。須努力。下痢微小。却為生。脉大浮洪。無瘥。日恍惚之病。定顛狂。其脉實牢。保安吉。寸關尺部。沉細時如此。未聞人救得。消渴脉數大者。活。虛小病深。厄難脫。水氣浮大。得延生。沉細應當是死。別霍亂之候。脉微遲。氣少不語。大難醫。三部浮洪。必救得。古今課定。更無疑。鼻衄吐血。沉細宜。忽然浮大。即傾危。病人脉健。不用治。健人脉病。號

行屍心腹痛脉沉細宜浮大弦長命必殂頭痛短瀋應瀆死
浮滑風痰必易除中風口噤遲浮吉急實大數三魂孤魚口
氣奄難得瘥面赤如粧不久居中風髮直口吐沫噴藥悶亂
起復甦咽喉拽鋸水鷄響搖頭上竄氣長噓病人頭面青黑
暗汗透毛端恰似珠眼小目瞪不須治詐汗如油不可蘇內
實腹脹痛滿盈心下牢強乾嘔頻手足煩熱脉沉細大小便
澁死多真外實內熱吐相連下清注穀轉難安忽然診得脉
洪大莫廢神功定不痊內外俱虛身冷寒汗出如珠微嘔煩
忽然手足脉厥逆體不安寧必死判上氣喘急候何寧手足
溫煖淨滑生反得寒澁脉厥逆必知歸死命瀆傾欬而尿血

羸瘦形其疾脉大命難任唾血之脉沉弱吉忽若實大死來
侵上氣浮腫肩息頻浮滑之脉即相成忽然微細應難救神
功用盡也無生中惡腹脹緊細生若得浮大命逡巡金瘡血
盛虛細活急實大數必危身凡脉尺寸緊數形又似釵直數
轉增此患盡毒急瀆救速求神藥命難停中毒洪大命應生
細微之脉必危傾吐血但出不能止命應難返沒痊平大凡
要看生死門太衝脉在即為憑若動應神鬼魄在止便干休
命不停

察色觀病生死候歌

欲愈之病目皆黃眼胞忽陷定知亡耳目口鼻黑色起入口

十死七難當面黃目青酒亂頻邪風在胃喪其身面黑目白
命門敗困極八日死來侵面色忽然望之青進之如黑卒難
當面赤目白憂息氣待過十日定存亡黃黑白色起入目更
兼口鼻有灾殃面青目黃中時死餘候瀕者兩日強目無精
光齒斷黑面白目黑亦灾殃口如魚口不能合氣出不返命
飛揚肩息直視及唇焦面腫蒼黑也難逃妄言錯亂及不語
尸臭元知壽不高人中盡滿無背青三日瀕知命必傾兩頰
額赤人病久口張直氣命難停足趺趾腫膝如斗十日瀕知
難保守項筋舒直定知殂掌內無紋也不久唇青體冷及遺
尿背面飲食四日期手足爪甲皆青黑能過八日定難醫脊
痛腰重反覆難此是骨絕五日看體重溺赤時不止肉絕六
日便高判手足甲青呼罵多筋絕九日定難過髮直如麻半
日死尋衣九死十知麼

外因

緊則傷寒定不移濡因傷暑向心推瀋緣傷燥瀕觀肺細緩
傷濕更看脾浮則傷風肝即應弱而傷熱察心知外因但把
人迎審細別六淫皆可醫

內因

喜則傷心脉必虛思傷脾脉結中居因憂傷肺脉必瀋怒氣
傷肝脉定濡恐傷於腎脉沉是緣驚傷膽動相胥脉緊因悲

傷心絡七情氣口內因之

不内外因

勞神役慮愛傷心虛瀦之中仔細尋勞役陰陽每傷腎瀦因
脉緊者來因房帷任意傷心絡微瀦脉中細忖度疲劇筋力
要傷肝仔細思量脉弦弱飢則緩弦脾受傷若還滑實飽無
疑叫呼傷氣瀦損肺燥弱脉中豈能避能通不内不外因生
死吉凶都在是

辨童男童女

欲識童男與童女尖在寸關并尺裏自然緊數甚分明都緣
未散精華氣童女童男何次別瀦者太真無損缺大約童子

尺脉沉童女尺中洪拒拒

傷寒脉

大浮數滑動陽脉陰病見陽生可得沉瀦弦微弱屬陰陽病
見陰終死厄輕手脉浮為在表表實而浮無有力但浮無力
表中虛自汗惡風常析析重手脉沉為在裏裏實脉沉表亦
實重手無力大而虛此是表虛宜審的風則虛浮寒實堅水
停水蓄必沉潛動則為痛數則熱反欲瀦脉急弦太過之
脉為可恠不及之脉亦如然止氣脉散為形損耳聾浮瀦命
難全謔言身熱宜洪大沉細而微壽不延腹大洩利當微細
緊大而滑定歸泉吐衄喜得沉細者浮大而牢嘆逝川陰陽

俱虛熱不止乍疎乍數命歸天瞽瞍有如羹上肥此脉定知
陽氣微榮榮來似蛛絲細却是體中陰氣衰脉如瀉潦之絕
者疾人亡血更何疑陽結藹藹如車蓋陰結循竿亦象之陽
盛則促來一止陰盛則結緩而遲右手氣口當主氣主血人
迎左其位氣口緊盛食必傷人迎緊盛風邪熾數為在腑遲
為臟浮為在表沉在裏浮緊無瀉寒傷榮脉浮而緩風傷衛
脉淨人病內虛故人安脉病行尸是脉微大忌令人吐欬下
猶防虛與細沉微氣弱汗為難三者要須常審記陽加於陰
有汗証左手沉微却應未跌陽胃脉定死生太溪腎脉為根
芾脉來六至與七至邪氣漸深瀕用意浮大晝加並屬陽沉
細夜加分陰位九至以上來短促狀若湧泉無入氣如屋漏
如雀啄來如彈石去如解索蝦遊魚翔脉証乖轉豆偃刀形
候惡下不至關陽氣絕上不至關陰氣鑠代脉來時不可醫
必定傾危難救藥更加玄絕漸無根命斷天真當死也病人
三部脉調勻大小浮沉遲數類此是陰陽氣已和勿藥自然
應可喜

六經傳變歌

傷寒一日二日間發熱頭疼及惡寒腰痛脉浮真可見此脉
從頭連腰還無汗麻黃湯發散有汗傷風桂枝單大青龍湯
表裏實此屬太陽膀胱間傷寒二日三日內目痛身熱加一

倍鼻乾不睡脉来長此脉往来緩者是無汗惡寒用葛根有汗桂枝湯一劑便實惡寒大柴胡此屬陽明胃經內三日四日病轉深耳聾胸脇痛如鍼寒熱嘔逆口乾苦此脉循脇絡耳真強盛之脉真可見小柴胡湯宜酌斟似瘡婦人血結類此屬少陽膽經尋病傳四日及五日腹痛咽乾自溫的自利而渴脉微沉脉布脾胃絡咽嗑四逆理中治臟寒腹痛脉浮桂枝入胸滿痰多瓜吐之此屬太陽脾經脉傷寒五日六日来多眠口燥舌乾訣此脉絡肺繫舌本指下脉沉貫腎来舌乾須用小承氣不渴不乾四逆差汗出亡陽猪膚屬此屬少陰腎經排傷寒六日七日到煩滿囊縮脉微緩筋急唇青四體疼脉循陰氣絡肝道脉若不浮小建中浮緩如瘡各半劫囊縮汗毒承氣加此屬厥陰肝經類

傷寒六經正病

太陽頭痛身熱脊強陽明日痛鼻乾不眠少陽耳聾脇痛寒熱嘔而口為之苦太陽腹滿自利尺寸沉而津不到咽少陰則舌乾口燥厥陰則煩滿囊拳一日二日可發表而解三日四日宜和解而痊五六日便實方可議下七八日不愈又復再傳日傳二經病名兩感經傳六日應無一痊太陽無汗麻黃為最大陽有汗桂枝可先小柴胡為少陽之要領大柴胡行陽明之秘堅至三陰則難拘定法或可溫而或可下宜數

變以曲全生意或可方而或可圓

傷寒表裏証

傷寒表證是如何無汗惡寒身熱多頭項俱疼脉浮取澤方
施劑汗之和傷寒裏証腹心膨不惡寒而惡熱蒸其脉數沉
無自汗汗多便秘下之生

陽症陰症

陽症身熱頭疼痛體痛咽乾難卧動或有譫語及循衣脉息
弦洪宜審用陰症身涼二便清病初自汗少頭疼也無煩燥
也無渴脉息沉微自可明

陽症似陰陰証似陽

陽証身涼冷四肢小便赤小大便稀心煩口燥脉沉數白虎
湯中竹葉奇陰症如陽面色紅小便清滑大便通渾身微熱
沉遲脉真武湯兼用理中

陽厥陰厥

陽厥時時指甲温心煩便秘口乾論脉來沉細中還疾承氣
柴胡最可吞陰厥身涼熱不回二便通滑不煩時脉來沉伏
知端的三建湯兼四逆宜

血黃濕黃

發黃恰似烟薰色小便自利大便黑唇焦漱水血家黃桃仁
承氣湯堪擇發黃渾似橘皮明小便不利大便秘行濕熱相蒸

名曰疸茵陳湯共五苓平

剛痊柔痊

元來痊病屬膀胱口禁如癰身反張此是傷風感寒濕故分
兩証有柔則無汗為剛須易識惟有葛根湯第一有汗為柔
見的端桂枝葛根湯救急二痊皆宜續命湯剛痊去桂用麻
黃柔痊去麻當用桂只依此法最為良

胎前產後傷寒

傷寒頭痛連百節氣急衝心溺如血上生斑點赤黑時壯熱
不止致胎滅嘔吐不止心煩熱腰背俱強胎痛裂六七日未
熱腹中小便不通大便結產後因得熱病臨脉細四肢暖者

生脉大忽然肢逆冷須知其死莫能停

傷寒五臟受病歌

心病舌強笑面赤燥煩掌熱口乾譏臍上動氣洪緊數反得
沉兮命不全肝家面青目痛閉筋急怒容臍左氣脉當弦急
又兼長浮瀦短兮各不治脾家不食面皮黃體重肢疼喜卧
床動氣當臍脉緩大弦長而緊是凶殃肺家面白帶憂愁吐
衄寒温喘嗽求臍右氣兮沉細瀦大而牢者死根由腎家面
黑爪甲青耳閉足寒泄腹疼臍下氣兮脉沉滑緩而大者死
之形

傷寒至捷法

發熱惡寒身體痛脉浮無汗怎生醫十神湯與香蘇散有汗
傷風用桂枝四五日來口舌乾發熱身痛卧不安先服人參
敗毒散小柴胡湯在後番七八日來熱在內口渴心煩腹脹
彙小便赤少大便難大柴胡湯好通利發熱口乾大便洩小
便赤少心煩結小柴胡湯兼五苓加上黃連真一絕汗下之
後病不解依然熱渴如見恠解毒湯兼小柴胡諸般熱病皆
無碍

傷寒証治總畧

發熱憎寒體痛時脉浮無汗怎生醫十神五積香蘇散有汗
傷風用桂枝汗後依前病不除三朝四日莫躊躕或用參蘇
或敗毒加此良劑病當舒病傳入裏腹膨滿口乾熱盛小柴
管病若仍前熱泄多只用柴苓湯一碗六日七日病轉熱前
後不通好未啜或有亂語及循衣大柴承氣可通別下後仍
前病不休黃連解毒免人憂病後虛煩熱已靜白虎竹葉石
膏搜陽厥還須用大柴不然承氣也通挨陰厥四逆并真武
三建加之自忖裁胸膈停痰氣悶時可將瓜蒂吐之宜怔忡
水停微有喘青龍十棗最堪題陽毒發斑是如何梔子大黃
黑奴科咽喉腫痛還曾治其桔湯中也要過膈痰冷氣如何
治理中丸子君須記去血還源抵當湯噫氣不絕旋覆葦小
便不通五苓宜猪苓八正皆曰奇大便不通蜜導法硝黃服

後熨其臍熱吐五苓半夏加冷吐四逆茱萸佳狐惑聲啞人不曉大黃牡礪衆皆誇發黃梔子藥皮同退疸茵陳極有功治蜜桃仁犀角類大黃茸逐解結胸昏沉多睡萎蕤湯煩燥無眠酸棗方少陰自利白通美脚氣續命越脾當柔瘧桂枝加乾葛劉產麻黃葛根活陰症似陽四逆宜陽証如陰白虎奪食復勞傷怎生醫枳實梔子內中追陽易陰易如何治燒裊鼠糞湯要知吐蛔烏梅與理中風濕黃芩木附通腹中急痛如何治桂枝加於大黃中吐血解毒與三黃筋惕肉瞤真武湯肺實喘嗽青龍美血不止茅花強往來寒熱成瘟瘡小柴胡湯還可托咳逆皆因胃府寒乳下艾灸羗附無熱深

咳逆成陽逆大小柴胡自去攀蟬係醫家入門訣還宜自己用心參

傷寒有四証相類

食積寒痰并脚氣更兼亦有患勞煩要識四般相類症不與傷寒一例看

小兒脉訣

五臟論

心臟

心主驚實則叫哭發熱飲水而搐虛則困卧驚悸不安又熱則唾口中氣溫及上竅咬牙而合面卧有就冷之意皆心熱

也若仰面卧者乃心氣實氣不得上下流通也心病冬見火
勝水也當補腎治心輕者病自愈下竄不語者腎虛怯也張
潔古云心主熱若肺乘心為微邪肝乘心為虛邪脾乘心為
實邪腎乘心為賊邪凡心臟得病必先調其肝腎肝氣通則
心氣和肝氣滯則心氣乏此心病先求其肝清其源也五臟
受病必傳其所勝腎之邪必傳于心故先治其腎逐其邪也
若肝腎俱和然後察其心家虛實治之竊謂仰面卧者因其
心胸實熱故喜仰面而向虛也合面卧者因其心胸虛熱故
喜合卧而就實也實則調治心肝虛則調補脾肺二者別之
盡其狀矣其咬牙等症多有雷弱不必拘泥若邪氣已去而

病仍作當調補元氣或反甚急温補元氣其心氣冬見或亥
子時病甚或下竄不語者乃腎水虛而心火甚也用補腎

肝臟

肝主風實則目直大叫項急頓悶虛則咬牙呵欠氣熱則外
生風氣温則内生風湏散之若能食飲水不止微下之肝熱
則目直不搐手尋衣領及亂捻物壯熱則飲水喘悶肝病秋
見肺怯不能勝肝也當補脾治肝肝有風則目連眵得心熱
則搐當肝心兼治甚則身反張目直不搐心不受熱也當補
腎治肝唇白者不治又張潔古云肝主風自病則風搐拘急
若心乘肝為實邪肺乘肝為賊邪腎乘肝為虛邪凡肝得病

必先察其肺腎者肝之母肺者肝之賊今肝之得病若非腎水不能相生必是肺金鬼邪來尅故其來在肺先治其肺攻其鬼也其來在腎先補其腎滋其源也然審其本臟之虛實而寒溫之竊謂前症若肝實熱而外生風者宜散若既散之而前症仍作或益甚者此邪氣已去而脾氣虧損也宜補若肝經虛熱或因尅伐而内生風者宜補若風邪入臟能食飲冷大便秘結者此邪氣內實也宜下若既下而食少飲湯或腹作脹者此脾氣內虛也宜補氣血素弱或因病後或服攻伐之劑而手尋衣領咬牙呵欠目淡青者乃肝經虛甚也急用補腎生肝硬氣短氣長出氣乃肺經虛甚也急用補脾肺

若申酉時叫哭直視呵欠頓悶頭急驚悸手足搖動發熱飲水此風火相搏而勝肺金也宜治肝火生肝血補脾土生肺金若唇白者為肝絕不治

脾臟

脾主困實則困睡身熱飲水或不飲水虛則吐瀉生風脾胃虛寒則面皸白目無精光口鼻氣冷肌體瘦弱吐水腹痛不思飲食傷風手足冷者脾臟怯也先用補脾後用發散脾病見四季皆倣此順者易治逆者難治脾怯當面赤黃若無五臟相反隨症治之張潔古云脾主濕自病則泄瀉多睡體重昏倦若肝乘脾為賊邪心乘脾為虛邪肺乘脾為實邪腎乘

脾為微邪凡脾之得病必先察其肝心二臟蓋肝是脾之鬼心是脾之母肝氣盛而鬼邪有餘心氣虧而生氣不足當用抑肝養心若診其脉肝心俱和則脾家自病察其虛實而治之竊謂前症實者病氣實而形氣虛也若面色眊白吐瀉腹痛口鼻氣冷屬寒水侮土若面青唇黯吐瀉手足並冷此脾土虛寒若面色痿黃手足不冷此脾土虛弱若傷風手足並冷吐痰咳嗽吐瀉腹脹此脾肺氣虛用實脾氣散外邪若發於寅卯二時用補脾土平肝木然而黃者脾之本色也面赤者火生土為順面青者木尅土為逆當平其所勝以補元氣為善

肺臟

肺主喘實則悶亂喘促或飲水虛則硬氣出氣短氣若肺盛復感風寒則胸滿氣急喘嗽肺實熱則手搯眉目鼻面肺虛熱則唇色深紅肺怯則唇色白若悶亂氣粗喘促硬氣者難治肺病久唇白者此脾肺子母皆虛也若白如豬脂者吉白如枯骨者死如肺病春見肺勝肝也宜補肝腎治肺目淡青必發驚更有赤者當搐為肝怯也張潔古云肺主燥自病則喘嗽燥則潤之若心乘肺為賊邪肝乘肺為微邪腎乘肺為實邪脾乘肺為虛邪凡肺之得邪必先觀心脾二臟之虛實若心火鑠金當抑心滋肺若脾氣虛冷不能相生而肺氣不

足則風邪易感宜補脾肺若腎實中痞熱氣上蒸于肺宜瀉脾氣若心脾脉平和而肺自病當察虛實治之夫肺氣盛者肺中之邪氣盛也其脉右寸必浮而有力宜瀉之若肺虛而有熱者不可執肺熱之故不用人參仍參其症治之

腎臟

腎主虛無實症惟痘瘡實則黑陷更當分別症之虛實虛則補其母實則瀉其子夫腎虛者由胎氣不盛則神短顙開目多白睛面色眊白此皆難養縱長不過四旬或有因病而致目無精光畏明腎病見夏水勝火也輕者病自退重者當驚發搖張潔古云腎主寒自病則足胫寒而逆腎無實瘡疹黑

陷乃實是水制火也若心乘腎為微邪肺乘腎為虛邪肝乘腎為實邪脾乘腎為賊邪本臟虛弱正令不行鬼賊尅害當補本臟之正氣大抵五臟各至本位即氣盛不可更補到所尅位不可更瀉然五行之中惟腎水一臟母盛而反受邪何則肺屬金射于皮毛所主者氣腎屬水主于骨髓所藏者精氣之輕浮能上而不能下精之沉重能下而不能上今肺氣得熱而上蒸則不能下生於腎而受邪矣急服涼藥解之此腎病必先求肺或脾經之濕刑尅于腎宜去脾濕若脾肺脉平和而腎自病則察其本臟而治之竊謂下竄等証足不喜履者蓋腰以下皆腎所主乃心氣下行于腎部也當壯腎水

以制心火若因脾肺虛而不能生腎水者宜滋化源其瘡疹黑陷乃腎虛而邪氣實也

看脉紋訣


小兒三歲以下男左女右看虎口三關從第二指第一節名風關若脉見初交病第二節名氣關脉見病重第三節名命關脉見病深則危矣又當辨其紋色紫熱紅傷寒青驚風白瘵疾黃色隱隱或淡紅隱隱為常候也至見黑色則危矣其他紋色在風關為輕氣關漸重命尤重也

辨虎口手訣曰男以左手觀之女以右手觀之蓋取左屬陽男以陽為主右屬陰女以陰為主然男女俱具此陰陽兩手亦當參看左手之紋病應心肝右手之紋病應脾肺於此消息又得變通之意驚風初得紋出虎口或在初關多是紅色傳至中關色赤而紫病又傳過其色紫青病勢深重其色青黑青而紋亂者病深重若純黑危惡不治大抵紅者風熱輕赤者風熱盛紫者驚熱青者驚積青赤相半驚積風熱俱有主急驚青而淡紫伸縮來去主慢驚紫絲青絲或黑絲隱隱相雜主慢脾似出不治大率紋勢彎曲入裏者病雖重而症順猶可用力若紋勢弓反出外靠于指甲者斷不可回其有三關紋如流珠流米三五點相連或形于面或形于身危惡尤甚

兒未至三歲者男左女右虎口以辨其色若四足驚三關必青水驚三關必赤人驚三關必黑紫色瀉痢黃色雷驚如三關脉通度是急驚之症必死或青或紅有紋如線一直者是乳食傷脾及發熱驚左右一樣者是驚與積齊發有三條或散是肺生風痰有青是傷寒及嗽如紅紫是瀉有黑相兼主下痢紅多白痢黑多赤痢有紫相兼加渴下虛虎口脉紋亂乃氣不和也蓋脉紋見有五色者曰黃紅紫青黑由其病盛色能加變如黃紅之色紅盛作紫紅紫之色紫盛作青紫青之色青盛作黑青黑之色至於純黑不可治矣
入門候歌曰五指稍頭冷驚來不可安若逢中指熱必定是

傷寒中指獨自冷麻痘症相傳女右男分左分明子細看初起寅關淺紋侵過卯深生枝終不治辰位實難禁

流珠形



主飲食所傷內熱欲吐或腸鳴自利煩燥啼哭宜用助胃膏消飲食分陰陽若消食而病仍作後用香砂助胃膏補脾胃

長珠形



主脾傷飲食積滯肚腹作痛寒熱不食先大安丸消積次健脾胃用異功散

環珠形



主脾虛停食胸膈脹滿煩渴發熱先用五味異功散加山查枳實健脾胃消食後用六君子湯調養中氣

來蛇形



主脾胃濕熱中脘不利乾嘔不食此疳邪內作先服四味肥兒丸治疳後用四君子湯補脾

去蛇形



主脾虛食積吐瀉煩渴氣短喘急不食困睡先六君子湯加枳實健脾胃消積次七味白朮散調補胃氣

弓反外形



主痰熱心神恍惚夾驚食風
癩痰盛先功散調中氣
次五味異功散

弓反裏形




主感冒寒邪嘔氣出驚悸倦
怠四肢稍冷小便赤咳吐涎
先惺惺散助胃氣祛外邪後五
味異功散加伏神當歸養心血
助胃氣若外邪既解而驚悸指
冷脾胃氣受傷也七味白木散補
之若悶亂氣粗喘促噎氣者脾
虛甚不治

鎗形




主風熱生痰發搐先抱龍丸化
痰如未應再加牛黃清心丸若
傳於脾肺或過用風痰之藥而
見一切諸症者專調補脾胃

魚骨形



主驚痰發熱先抱龍丸定驚消
痰如未應屬肝火實熱用柳青
丸清肝隨以六味丸補肝血或
發熱少食或痰盛發搐乃肝木
剋脾土以制肝木
脾土以制肝木

針形



主心肝熱極生風驚悸頓悶困倦不食痰盛搗搗先抱龍丸祛風化痰次六君子湯加釣藤釣平肝實脾

水字形



主驚風食積胃膈煩燥頓悶少食或夜啼痰盛口禁搗搗此脾胃虛弱飲食積滯而木尅土也先大安丸消導次六君子湯釣藤釣補中清脾若已服消食化痰藥不愈須六君子湯加升柴胡釣藤釣升補脾氣平制肝木

透關射指形



主驚風痰熱聚於胃膈乃脾肺虧損痰邪乘聚先牛黃清心丸清脾肺化痰涎次六君子湯加桔梗山藥補脾土益肺金

透關射甲形



主驚風肝木尅制脾土之敗宜用六君子湯加木香釣藤釣官桂溫補脾土未應即加附子以回陽氣


面青肝病

面赤心病

面黃脾病

面白肺病

面黑腎病



○左腮為肝右為肺額為心兮鼻為脾腎主頰間識別證
 更參五色辨真機假如肝病面青時白色當春小易醫
 此是肺金來剋木其餘倣此例推之唇紅面赤是傷寒

唇青面白是瘡痢臉青唇黑是驚風面黃如土有食癥
 ○青脉生於左太陽一度須驚易審量赤是傷寒微熱燥
 黑青深色乳為傷

○痢痰眉頭皺驚風面頰紅渴來唇帶赤熱甚眼朦朧面
 黃多積病青色是驚風白色多成瀉傷寒色紫紅

頭者諸陽經絡所聚面者五臟血氣之榮臟者神之
 舍色者神之旗五臟衰敗面色必枯槁五臟充實面
 色必光華色之光澤者生色之枯槁者死經以望為
 先察其生死盛衰也

看顛顛要略

顛顛青筋脉虛不榮○顛顛常陷骨泄便便○顛顛腫起
 風疾不止○顛顛久冷吐痢青青○顛顛虛軟顛痢不免
 ○顛顛扁潤暴泄易脫○顛顛歪長風作即亡○顛顛連
 額驚風易得○顛顛未充怕熱怯寒○顛顛緩收胎氣不
 周○顛顛動數神氣昏弱○顛顛寬大受疾恐害○顛顛
 未合筋骨柔弱

看面部要訣

正口常紅無病乾燥脾熱白色厲虛○人中黑色腹痛虫
 動點點黑吐痢○山根紫色傷乳食驚青色人叫驚黑色
 危困○印堂青色驚紅色驚白色無病○額青色驚紅色

熱○兩眉紅色夜啼熱燥○兩眼黑睛黃色傷寒白睛黃
 色積滯赤色心熱淡紅色心虛青色肝熱○太陽紅色血
 淋青色驚兩紋青第二驚赤色傷寒○太陰右青色驚紅
 色驚青色惡危○風池紅色熱多啼黃色吐逆○金匱青
 筋驚○兩頰熱赤啼哭○顴紅色熱○承漿黃色吐青色
 驚○年上準頭近黃色吐痢赤色吐痢○腮紅紫痰青驚



風關第一節寅位
 氣關第二節卯位
 命關第三節辰位

察形色訣

額端紅色主熱燥若逢青色有肝風印堂如有青紋見必係人驚火則紅山根之色青隱隱須識驚遺是兩重若還斯處見赤色還知瀉燥定相攻年上微黃為正色若平更陷天難



禁忽因痢疾黑危候霍亂吐瀉黃色深鼻準微黃赤白平深黃燥黑死難生人中短縮吐因痢唇反黑候蛔必傾正口常紅號曰平燥乾脾熱積黃生白主失血黑繞口青黑驚風盡死形承漿青色食時驚黃多吐逆痢紅形煩燥夜啼青色吉久病眉紅死症真白睛青色有肝風若是黃時有積攻或見黑睛黃色現傷寒病症此其縱風氣二池黃吐逆燥煩啼叫色鮮紅更有兩頤胚樣赤肺家客熱此非空太陽青色驚方始紅色赤淋崩孽起要知死症是何如青色從茲生入耳兩臉黃為痰實咽青色客忤紅風熱傷寒赤色紅主淋二色請詳分兩頰吐重青色滯頤黃一色頤間兩自詳風門黑疝青

驚水紋青金匱主驚狂

看紋歌

虎口亂紋多瀕知氣不和色青驚積聚下乳瀉如何青即慢
驚發入掌內癆多三關忽通過此候必沉疴指上辨青紋認
是四足驚黑色因水撲赤色火人驚紫色多成瀉黃色是雷
驚曲反風還盛彎弓食上蒸但看叉手處方可辨其形左紋
紅似線發熱又兼驚右雙紋似左脾傷驚積并紋頭三叉樣
肺痰夜作聲青赤傷寒症空紅瀉定生

診脉歌

小兒有病瀕憑脉一指三關定真息浮洪風盛數多驚虛冷
沉遲實有積小兒一歲至三歲呼吸瀕將八至看九至不安
十至困短長大小有邪干小兒脉緊是風癇沉脉瀕知乳化
難腹痛緊弦牢實秘沉而數者骨中寒小兒脉大多風熱沉
細原因乳食結弦長多是隔肝風緊數驚風四肢掣深洪胃
中似火燒沉緊腹中痛不歇虛濡有氣更兼驚脉花多痢大
便血前大後小童脉順前小後大必氣咽四至洪來苦煩滿
沉細腹中疼切切滑主露濕冷所傷弦長客忤分明說五至
夜甚浮大晝六至夜細浮晝別息數平和八至九此是聖人
傳妙訣

小兒脉說

小兒三歲以下用一指按高骨乃分三關定其息數呼吸八至為平脉九至不安十至危困浮主風沉遲主虛冷實主有熱緊主癩洪主熱盛沉緩主虛瀉微緊有積有虫遲瀯主胃脘不和沉主乳食難化沉細主乳食停滯緊弦主腹中熱痛牢實主大便秘沉而數者骨中有熱弦長是肝膈有風緊數乃驚風為患四肢掣顫浮洪乃胃口有熱沉緊主腹痛有寒虛濡者有氣又主慢驚乳主大便利血四歲以下用一指轉尋三部以關為準七八歲移指少許九歲次第依三關部位尋取十一十二歲亦同十四十五歲依大方脉部位診視全幼心鑑云小兒半歲之際有病當于額前眉端髮際之間

以名中食三指曲按之兒頭在左舉右手在右舉左手食指為上中指為中名指為下三指俱熱主感風邪鼻塞氣粗發熱咳嗽若三指俱冷主外感風寒內傷飲食發熱吐瀉若食中二指熱主上熱下冷名中二指熱主夾驚之疾食指熱主胸膈食滯又當參辨脉形主之

察聲音訣曰聲輕者氣清弱也重濁者痛也風也高喊者熱將狂聲急者神驚也聲塞者痰也聲戰者寒也聲噎者氣不順也喘者氣促也噴嚏者知其風呵欠者知其倦又主風陰陽相雜也哭聲不响者死

審味歌

肝酸心苦及脾甘肺受於辛腎合鹹所好即知其臟病更將色脉與相參

小兒外症十五候不治

眼上赤脉下貫瞳人。顛門腫起兼及作坑鼻乾黑燥。肚大青筋。目多直視。覩不轉睛。指甲黑色。忽作鴟聲。虛舌出口。齒齙咬人。魚口氣急。啼不作聲。蛔虫既出。必是死形。

小兒變蒸

三十二日一變生癸腎臟氣屬足少陰經○六十四日二變一蒸生壬膀胱腑氣屬足太陽經○九十六日三變生丁心臟氣屬手少陰經○一百二十八日四變二蒸生丙丁小腸

腑氣屬手太陽經能坐○一百六十日五變生乙肝臟氣屬足厥陰經能匍匐○一百九十二日六變三蒸生甲膽腑氣屬足少陽經○二百二十四日七變生辛肺臟氣屬手太陰經○二百五十六日八變四蒸生庚大腸腑氣屬手陽明經○二百八十八日九變生巳脾臟氣屬足太陰經○三百二十日十變五蒸生戊胃腑氣屬足陽明經學行○心胞絡臟屬手厥陰經三焦為腑屬手少陽經此一臟一腑俱無形狀故不變不蒸也○又有三大蒸六十四日為一大蒸計三百八十四日又六十四日為二大蒸計四百四十八日又六十四日為三大蒸計五百一十二日至五百七十六日變蒸俱

畢兒乃成人矣。變者生五臟也。蒸者養六腑也。變蒸之時，先看兒唇上有白泡如珠，是其症也。即宜少與乳食，不可妄投藥餌，切不可艾火灸。

郵人兒生下，即灸頂門，其害非淺。蓋兒初生，乃一塊血，豈能當艾火燒灸，火氣入內，反為不美。如生下無他症，平穩，切不可亂灸。又郵人兒生下，多患奶牙，每用針挑破，進風，輒斃。殊為可傷。即用針亦宜微刺之，不可過重。此皆緣孕母多食胡椒故也。郵人平目最尚胡椒，故兒有此證。若孕時能戒食胡椒、姜、蒜，仍常服黃芩、白朮，清涼之劑，即可無此症矣。

萬氏家抄濟世良方六卷脉訣終

